

Duplicate

BIBL. NAZ.

Vitt. Emanuele III

LXII

C

8

NAPOLI

LXIII 68
**CAPITULUM
GENERALE**

**Totius Ordinis Fratrum Minorum
In Vallis - Oletano Conventu**

P R Æ S I D E N T E

Illustrissimo, ac Reverendissimo Domino

**D. JOSEPHO GARZIA
EPISCOPO SEGUNTINO**

Ac olim totius Ordinis

MINISTRO GENERALI

C E L E B R A T U M

Anno Domini M. DCC. XL. Die quarta Junii

**IN SACRO PENTECOSTES FESTI
P E R V I G I L I O.**



ROMÆ M. DCC. XLII.

**Typis Joannis Zempel prope Montem Jordanum.
SUPERIORUM FACULTATE.**

117.000 117.000

11-10-55

LXIII 3 C8

LECTORI

BENEVOLO.



A quæ hic pauca Tibi exhibemus sancita in generalibus totius Ordinis S. P. FRANCISCI Comitibus Vallis-Oleti nuper celebratis, non eadem, qua condita sunt methodo reperies disposita; sicut enim non illa fuit Patrum mens, ut novas juberet leges, sed tantum ut novis accidentibus provideret, vel quorundam petitionibus faceret satis; ita varia in variis sessionibus fuere determinata, quæ modo sub Familiarum, aut Nationum Ordine exhibentur. Nec propterea quod hac mente in hoc generali Capitulo adjudicate res fuerint, pleræque editæ sanctiones, mirum cuiquam sit Libellum in molem aliquam crescere, quæ innovandarum quotidie, augendarumque legum pruritus quidam, sicut fortè aliquibus visum est, nostrorum Comitiorum appareat; longè enim ab hac semita fuit ambulatum, idque tantum cordi habuere, leges quidem servari antiquas, nullas autem juberi novas. Hoc Tibi observandum proposuimus, nè antequam legeres, nova quædam Statuta Tibi legenda proponeres, sicque quasi multis legibus obrutus animo frangereris, nec ad earum conareris integritatem. Vale.

Imprimatur .

Si videbitur Rñno Pat. Mag. Sac. Pal. Apost.

F. M. Arch. Tarfi Vicesg.

Imprimatur .

Fr. Nicolaus Ridolfi Magister Sacri Palatii
Apost. Ord. Præd.

B R E V E ⁵

Sanctissimi Domini Nostri

C L E M E N T I S XII.

*In quo enarratis causis prorogationis horum Generalium
Comitiorum ultra sexennium, præcipitur eorundem
celebratio, & Præfidentia conceditur Illmo,
ac Rmo Domino Episcopo Seguntino.*

C L E M E N S P A P A XII.

*Venerabilis Frater salutem, & Apostolicam
Benedictionem.*



Generalium Comitiorum celebratio, quæ juxta præscripta cuilibet Religiosi Ordinis Statuta post aliquod annorum spatium haberi debet, quantam Regulari Observantiæ conferat utilitatem, non est cur pluribus explicemus. Quamobrem inter gravissimas Sacrosancti Apostolatus sollicitudines, per Nobis molestum accidit, quod, cum Capitulum Generale totius Ordinis Fratrum Minorum Sancti Francisci, tam de Observantia, quam Reformatorum, Excalceatorum, Recollectorum, aliove quocumque nomine nuncupatorum, cujus protectionem, ac tutelam Nobis, dum Cardinalatus honore fungeremur demandatam, in hac etiam Suprema Apostolicæ Cathedræ procuratione pro Paterna, quam inclytum Ordinem hujusmodi semper prosecuti sumus, & prosequimur, charitate retinere volumus, in Vigilia Pentecostes Anni M. DCC. XXXV. convocandum, celebrandumque esset, propter

propter nonnullas calamitates, & difficultates, justasque causas convocari, ac celebrari non posset, illud prorogare, ac differre debuimus; prout per alias nostras in simili forma Brevis die xxv. Septembris M.DCC.XXXIV. desuper expeditas Litteras ad nostrum, & Apostolicæ Sedis beneplacitum prorogavimus, ac distulimus. Etiam autem ablatiis, superatisque omnibus impedimentis, Capitulum Generale hujusmodi per alias itidem nostras in simili pariter forma Brevis die viii. Aprilis M.DCC.XXXVII. datas in Vigilia quoque Pentecostes Anni M.DCC.XXXVIII. proximè elapsi convocandum, celebrandumque indixissemus; Motu proprio, ac ex certa scientia, & matura deliberatione nostris, deque Apostolicæ Potestatis plenitudine, ac in virtute sanctæ obedientiæ omnibus, & singulis, ad quos spectat, injungimus, & mandamus, ut nullo pacto amplius prorogetur, ac differatur. Ut autem quæ ad rectum prædicti Ordinis regimen, decus, & utilitatem pertinent, conjunctis omnium; quorum intérest studiis in Capitulo Generali hujusmodi in Civitate Vallis-Oletana celebrando, ut præmittitur, cognosci possint ipsumque Capitulum Generale rectè, & feliciter ad Dei gloriam celebretur; Te, qui aliàs Ministri Generalis ejusdem Ordinis munere laudabiliter functus fuisti, de cujus prudentia, integritate, & Religionis Zelo plurimum in Domino confidimus, in præfato Capitulo Generali nostro, & Apostolicæ Sedis præfate nomine Præsidentem cum auctoritate, facultatibus, jurisdictione, honoribus, & oneribus solitis, & consuetis Authoritate Apostolica tenore præsentium facimus, constituimus, & deputamus. Teque in Domino hortamur, & monemus, ut Capitulum Generale prædictum fideliter regere, ac in illo omnia quæ ad prosperum Fratrum dicti Ordinis regimen, & gubernium pertinent juxta Constitutiones dicti Ordinis à Sede præfata confirmatas decerni, statui, & ordinari, cures, & facias. Mandantes propterea

in virtute sanctæ obedientiæ dilectis Filiis ejusdem Ordinis Superioribus, Fratribus, & Personis, ac præsertim Vocalibus in dicto Capitulo Generali congregatis, aliisque ad quos pertinet, ut Te in ejusdem Capituli nostro, & Sedis præfatæ nomine Præsidentem reverenter suscipiant, Tibique in omnibus ad Præsidentis hujusmodi officium pertinentibus pareant, & obediant, foveantque, & assistant, tuaque salubria monita, & mandata humiliter suscipiant, & efficaciter adimplere procurent. Non obstantibus Constitutionibus, & Ordinationibus Apostolicis, ac quatenus opus sit Ordinis hujusmodi, etiam juramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus præ plenè, & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die xiv. Novembris m.dcc.xxxix. Pontificatus Nostri Anno Decimo.

D. Card. Passioneus.



In Dei Nomine Amen.

Hæc est Tabula Celeberrimi Capituli Generalis totius
Ord. Fratrum Minorum, celebrati in Conventu
S. FRANCISCI Civitatis Vallis-Oletanzæ
in Vigilia Pentecostes Anno 1740.
die iv. Junii.

*Præsidente igitur præfato Illmo Domino Episcopo Seguntino,
servatisque omnibus, quæ de jure servanda erant, summo
Patrum Vocallum plausu, atque consensu in Ministrum
Generalem totius Ordinis electus fuit*

Rm̃us Pater Fr. CAJETANUS à LAURINO Provinciæ Prin-
cipatus Pater, Lector Jubilatus, & immediatus Romanæ
Curiz Commissarius Generalis.

Commissarius Generalis Familiæ Cismontanzæ.

Rm̃us Pater Fr. Dominicus Loffada Lector Jubilatus Com-
plutenſis, pro Regali Congressu Immaculatæ CONCE-
PTIONIS Theologus, & Commissarius Generalis Indiarum.

Pater, & Definitor perpetuus totius Ordinis.

Rm̃us Pater Fr. Joannes Bermego Lector Jubilatus, &
Ex-Minister Generalis.

Patres, & Definitores perpetui Familiæ Ultramontanzæ.

Rm̃us Pater Fr. Crescentius Krisper Provinciæ Reformatæ
Austriæ Lector Emeritus, Ex-Provincialis, Scriptor Or-
dinis, & Ex-Commissarius Generalis utriusque Familiæ.

Rm̃us Pater Fr. Joannes Cosmas à Monte Miniano Provin-
ciæ Reformatæ Thuſciæ Lector Sac. Theologiæ, Ex-Se-
cretarius, & ex Vice-Commissarius Generalis.

Rm̃us

Rñus Pater Fr. Joannes Antonius à Sancta Cruce Observ.
 Provinciæ Thufciæ Lector Jubilatus, Ex-Secretarius
 Generalis Ordinis, & ex Vice-Commissarius Generalis.
 Rñus Pater Fr. Felix à Roma Reformatæ Provinciæ Ro-
 manæ Lector Emeritus, Ex-Secretarius Generalis, Sa-
 cræ Congregationis Indicis Consultor, iteratò Procu-
 rator Generalis, & ex Vice-Commissarius Generalis.

Procurator Generalis Ordinis.

Admodum R. P. Fr. Joannes Jacobus de Vallico Provinciæ
 Observantis Romanæ Lector Jubilatus, Ex-Secretarius
 Generalis Ordinis, & Ex-Definitor Generalis.

Commissarius Generalis Curie Romanæ.

Adm. R. P. Fr. Joannes de la Torre Provinciæ Cantabriæ
 Lector Jubilatus, Ex-Provincialis, & Actualis Custos.

Procurator Generalis Reformatorum.

Adm. R. P. Fr. Alexius à Roma Provinciæ Reformatæ Ro-
 manæ Lector Emeritus, Ex-Provincialis, in Regali Mo-
 nasterio S. Claræ olim Guardianus, & Commissarius
 Apostolicus, necnon Definitor Generalis Ordinis.

Procurator Generalis Discalceatorum, & Recollectorum.

Adm. R. P. Fr. Petrus Joannes de Molina Provinciæ S. Jo-
 annis Baptistæ Discalceatorum Sac. Theologiæ Lector,
 & Ex-Definitor,

Definitores Generales pro Familia Ultramontana.

A. R. P. F. Bernardinus a Terlitio Observantis Provinciæ
 S. Nicolai Lector Jubilatus, & iteratò Minister Provin-
 cialis.

- A. R. P. F. Alexander Negovetz Obf. Provinciæ S. Ladislai
Lector Theologus, & Minister Provincialis.
- A. R. P. F. Bonagratia ab Alexandria Observantis Provinciæ
S. Didaci Lector Jubilatus, & Ex-Secretarius Generalis
Ordinis.
- A. R. P. F. Vincentius Antonius de Caprarola Observantis
Provinciæ Romanæ Lector Jubilatus, & Ex-Minister
Provincialis.
- A. R. P. F. Petrus a Justaniana Observantis Provinciæ Thu-
sciæ Lector Jubilatus, & Pro-Minister.
- A. R. P. F. Joseph Maria a Fano Observ. Provinciæ Marchiæ
Lector Generalis, Ex-Minister Provincialis, & Custos
actualis.
- A. R. P. F. Aloysius a Barrafranca Reformatæ Provinciæ
Vallis-Nethi Lector Emeritus, Ex-Provincialis, & Pro-
Minister.
- A. R. P. F. Sigismundus Skerpin Reformatæ Provinciæ Car-
nioliæ Lector Emeritus Ex-Minister Provincialis.
- A. R. P. F. Prosper a Brixia ejusdem Reform. Provinciæ Le-
ctor Theologus, & Minister Provincialis.
- A. R. P. F. Joseph Maria a Gallipoli Reformatæ Provinciæ
S. Nicolai Lector Theologus, Ex-Provincialis, ac Pro-
Minister.

Definitores Generales Familiæ Cismontana.

- A. R. P. F. Zacharias de Pontchateau Doctor Sorbonicus,
Lector Jubilatus, tertio Minister Provincialis Turoniæ
Majoris.
- A. R. P. F. Antonius Perellò Lector Jubilatus bis & iterum
Minister Provinciæ Majoricæ.
- A. R. P. F. Franciscus Benitez Lector Jubilatus Provinciæ
Angelorum Ex-Diffinitor, & Ex-Secretarius Generalis
Ordinis.

- A. R. P. F. Ludovicus Roger Doctor Sacrae Theologiae, Ex-Diffinitor Provinciae S. Ludovici, & Ex-Secretarius Generalis Ordinis.
- A. R. P. F. Emanuel a Jesu Sac. Theologiae Lector, & Provinciae S. Pauli Discalceatorum Minister.
- A. R. P. F. Marcus Antonius Gravois Provinciae S. Bernardini Recollectorum Lector Theologus, & Ex-Procurator Generalis Discalceatorum, & Recollectorum.
- A. R. P. F. Alvarus a Purificatione Provinciae Arabidorum Discalceatorum Minister Provincialis.
- A. R. P. F. Ioannes Thony Provinciae S. Elisabeth Thuringiae Recollectorum Lector Emeritus, & Custos actualis.
- A. R. P. F. Andreas du Molin Provinciae Flandriae Recollectorum Lector Emeritus, & Ex-Minister Provincialis.
- A. R. P. F. Joannes de Valle, Provinciae Legionensis Tertii Ord. Lector Jubilatus, & iterato Minister Provincialis.

LECTORES GENERALES

Sacrae Theologiae in Conventibus ad Jubilationem designatis.

In Provincia Romana

In Conventu Sanctae Mariae de Araceli.

- P. F. Carolus Maria de Perusia.
- P. F. Philippus a Carboneano.
- P. F. Columbinus a Senis.

In Conventu Paradisi Viterbii.

- P. F. Bartholomaeus de Podio bustone.
- P. F. Ubalduus a Burgo
- P. F. Patritius de Dulcedo.

In Provincia S. P. N. FRANCISCI

In Conventu S. Francisci Montis Perusiae.

- P. F. Ioannes Baptista de Casoli.
- P. F. Ioseph Maria de Solerio.
- P. F. Franciscus a Burgo Sancti Sepulchri.

In Provincia Marchiae

In Conventu S. Francisci Anconae.

- P. F. Fortunatus de Roma.
- P. F. Bernardinus à Fano.
- P. F. Angelus Maria de Mantua.

In Conventu S. Mariae Novae Fani.

- P. F. Bernardus à Portufirmi.
- P. F. Fulgentius a Tiphernio.
- P. F. Honorius de Cirelio.

In Provincia Thusciae.

In Conventu Omnium Sanctorum Florentiae.

- R. P. F. Fortunatus a Senis.
- P. F. Damasus ab Empoli.
- P. F. Deodatus Maria de Pistorio.

In Conventu S. Francisci Lucae.

- P. F. Iulianus Franciscus de Pistorio.
- P. F. Bonaventura a Decimo.
- P. F. Fortunatus ab Empoli.

In

In Provincia Bononiæ

In Conventu SS. Annuntiata Bononiæ.

- P. F. Philippus Maria de Senis.
- P. F. Flaminius de Parma.
- P. F. Bernardinus a Mirandula.

In Conventu S. Spiritus Ferrariæ.

- P. F. Franciscus Maria de Calvatone.
- P. F. Franciscus Nicolaus a Mirandula.
- P. F. Dominicus Maria a Retiniano.

In Provincia S. Antonii.

In Conventu S. Francisci Paduæ.

- P. F. Dominicus de Naffo.
- P. F. Ioannes Maria de Longa.
- P. F. Ioannes Clemens a Centrale.

In Conventu S. Francisci Vinearum.

- P. F. Pellegrinus Coelestinus a Verona.
- P. F. Ioannes Laurentius a Vicentia.
- P. F. Ioannes Carolus a Venetiis.

In Provincia Genuæ

In Conventu SS. Annuuciata Genuæ.

- P. F. Ioannes Dominicus a S. Christophoro.
- P. F. Odoardus de Cervio.

P. F.

P. F. Antonius Maria a Terrinca.

In Provinciâ Mediolani

In Conventu S. Angeli Mediolani.

P. F. Claudius a Lauda.

P. F. Joannes Cryfogonus de Locate.

P. F. Pius de Metone.

In Provincia Principatus

In Conventu S. Didaci Neapolis.

P. F. Honorius a Summaripa.

P. F. Franciscus Antonius a Corbaria.

P. F. Raphael de Cairano.

In Provincia SS. Septem Martyrum

In Conventu S. Mariæ Jesu Montis Leonis.

P. F. Candidus de Garesio.

P. F. Bernardinus de Lipari.

P. F. Gregorius a Pizzone.

In Provincia Siciliæ

In Conventu S. Mariæ Jesu Messana.

P. F. Matthæus a Messana.

P. F. Franciscus Antonius de Ficaria.

P. F. Coelestinus a Pactis.

In Provincia S. Nicolai

In Conventu S. Andreae Baruli.

- P. F. Ioseph a Castellana.
- P. F. Angelus de Biscelia.
- P. F. Petrus de Treppio.

In Provincia Licii

In Conventu S. Antonii Licii.

- P. F. Thomas Maria de Latiano.
- P. F. Coelestinus a Licio.
- P. F. Ioannes a Ponticelli.

In Provincia S. Bernardini.

In Conventu S. Bernardini Aquila.

- P. F. Bernardinus ab Interaquis.
- P. F. Franciscus Bernardinus ab Arischia.
- P. F. Ioseph Maria a Picentia.

In Provincia S. Angeli.

In Conventu Jesu Mariae Fogia.

- P. F. Leopoldus a Manfredonia.
- P. F. Petrus Regalatus de Lauda.
- P. F. Berardus Nicolaus a S. Martino.

In Provincia Dalmatiæ

In Conventu S. Laurentii Sebenici,

- P. F. Petrus de Manſtar.
- P. F. Marcus de Signa.
- P. F. Andreas Miſſiſtich.

In Provincia Corſicæ.

In Conventu S. Franciſci Baſſiæ,

- P. F. Antonius a Sancta Reparata.
- P. F. Joſeph de Patrimonio.
- P. F. Iacobus a Sari.

In Provincia Ragufii

In Conventu S. Franciſci Ragufii,

- P. F. Hyacinthus de Terlitio.
- P. F. Ambroſius a Caſtilione.
- P. F. Sebaſtianus a Ragufio.

In Provincia Brixia

In Conventu S. Joſeph Brixia,

- P. F. Cyprianus de Gavardo.
- P. F. Franciſcus Maria ab Ameno.
- P. F. Octavius de Crema.

In Provincia Basilicatæ

In Conventu SS. Annunciationis Brientia.

- P. F. Dominicus de Carbone.
- P. F. Ioannes Iacobus a Sarcone.
- P. F. Franciscus Antonius de Torraca.

In Provincia Bosnæ Argentinae

In Conventu S. Francisci Buda.

- P. F. Petrus de Lipa.
- P. F. Antonius de Buda.
- P. F. Ioseph a Valcovarino.

In Conventu S. Crucis Essek.

- P. F. Paulus de Iaiza,
- P. F. Franciscus de Possaga.
- P. F. Philippus a Possaga.

In Provincia Terræ Laboris

In Conventu S. Mariæ Novæ Neapolis.

- P. F. Archangelus de Fratta.
- P. F. Benedictus a Valoria.
- P. F. Dominicus a Cajeta.



In Provincia Calabriae

In Conventu S. Francisci Cosentia.

- P. F. Balthassar a Cosentia.
- P. F. Samuel a Cava.
- P. F. Illuminatus ab Alexandria.

In Provincia S. Didaci

In Conventu S. Bernardini Alexandria.

- P. F. Franciscus de Solerio.
- P. F. Rainerius de Pisis.
- P. F. Archangelus de Cuneo.

In Provincia S. Thomæ Apostoli

In Conventu S. Thomæ Taurini.

- P. F. Robertus de Cavaſco.
- P. F. Ferdinandus a Vigone.
- P. F. Franciscus Xaverius a Bibiana.

In Provincia Vallis-Mazariae

In Conventu S. Mariae Angelorum Panormi.

- P. F. Cosmus de Sciacca.
- P. F. Clemens a Panormo.
- P. F. Hieronymus a Panormo.

In Provincia Vallis-Nethi

In Conventu S. Marie Moruę.

- P. F. Cajetanus Maria de Siraculis.
- P. F. Ignatius Maria de Siraculis.
- P. F. Iulius Cæsar ab Augusta.

In Provincia Ruffiæ

In Conventu S. Andree Leopolis.

- P. F. Ignatius Snioskiewicz.
- P. F. Isidorus Bylinski.
- P. F. Severinus Ryfzkowski.

In Provincia Poloniæ Majoris

In Conventu Immaculatæ Conceptionis Pofnania.

- P. F. Rochus Iankowski.
- P. F. Franciscus Przemkowski.
- P. F. Benedictus Sokoliwski.

In Conventu S. Anne Varſavie.

- P. F. Nicolaus Czaraſti.
- P. F. Michael Paſzkowski.
- P. F. Auguſtinus Pdzikowski.

In Provincia Lithuanianæ

In Conventu Vilnenſi.

P. F. Franciscus Savicz.

C 2

P. F.

P. F. Bartholomæus Tolofski.

P. F. Franciscus Pruslzehi.

In Provincia minoris Poloniae

In Conventu Craconiensi.

P. F. Bartholomæus Kulbinski.

P. F. Franciscus Kacukci.

P. F. Cherubinus Kordel.

*Declaratur, per hanc dispositionem nullum inferri
præjudicium quoad anterioritatem, seu præcedentiam
tam Lectorum, quam Studiorum.*



FR. CAJETANUS

A LAURINO

Lector Jubilatus, Catholicæ Majestatis
pro Regali Immaculatæ Conceptionis
Congressu Theologus, ac totius Or-
dinis Fratrum Minorum Minister Ge-
neralis, ac Servus.

*Dilectis Filiis Superioribus, & Subditis Nostræ Curæ
subjectis tam Observantibus, quam Reformatis,
Recollectis, Excalceatis, Tertiæ Ordinis, vel quo-
vis alio nomine nuncupatis, Textum Regulæ Sera-
phicæ sub unico Capite Profitentibus, Salutem, &
Seraphicam Benedictionem, plenamque in Spiritu
Sancto consolationem.*

AD Supremum Seraphici Ordinis Clavum in Valli-
oletanis Generalibus Comitibus Divinâ Providentiâ
eveci, id Nobis cordi fuit, & Filios nostros hisce
Enciclicis in Domino salutare, Paternoque animo ample-
cti, & nostram, quam eorum felicitati, ac tranquillitati
fovemus voluntatem demonstrare. Neque enim Ministe-
rium nostrum in iis tantum esse debet, quæ ad optimè re-
gendum Ordinem conducunt, ut rebus exterioribus bene
dispositis, aptèque ordinatis, sciamus Homines nos esse
consilio, ac prudentiâ directos; immò verò plurimum
cura,

cura, studiumque nostrum enī debent, ut & sciatis quæ recta sunt, eademque faciatis. Sciatis igitur Vos volo Filii dilectissimi, Nos a sæculi hujus procellis ad serenam, & tranquillam felicitatem, summā, ac propemodum inenarrabili Divina bonitate fuisse evocatos; quod etsi vos non lateat, nostri muneris debitum esse cognovimus illud repetere, ut altius Pectoribus vestris infideat; utque in timore, & tremore certam vestram electionem, ac vocationem faciatis; quod facientes, non solum non peccabitis aliquando, sed in caverna maceræ absconditi, hoc est, in Christi Crucifixi vulneribus, specie quidem timidi, spe autem gaudentes, Divini Magistri sermonibus edocti, omnis perturbationis expertem vitam traducetis. Quæ enim animi perturbatio iis incessere poterit, quibus laudi, quibus gaudio, quibus consolationi sunt vulnera Christi? An paupertatis angustiis deprimentur, nudi cum nudo Christo conversantes? An obedientiæ difficultates præsentient, quibus vulnera obedientis usque ad mortem Jesu sunt refugium? An Castimonie virtute non renitebunt ij, qui immaculati Agni candore adumbrantur? Hæc fuerunt in causa cur noster amantissimus Pater, ac Dominus Jesus Christus Fideles suos ad se vocaret: *Venite ad me omnes qui laboratis, & onerati estis, & Ego reficiam vos, discite a Me quia mitis sum, & humilis corde, & invenietis requiem Animabus vestris.* Neque enim extra Christum requiem invenire cuique datum aliquando fuerit; pacisque plenitudinem illi tantum scient, quibus Christus ostenderit manus, & latus. In latere Christi refectio est pacis, refectio mansuetudinis, refectio suavitatis, omnium denique refectio virtutum, ac totius plenitudo Sanctitatis. Quod Patriarcha Sēus, cujus Nos licet indigni, vices gerimus, non ab hominibus, sed propriā edoctus experientiā optimè callens, sic toto vitæ suæ curriculo vulnera Christi inhabitavit, ut amica moeroribus Loca seligeret, ne ab iis aut cæterarum cura rerum, aut locorum

amœnitate distraheretur ; ac tandem sui Corporis solutione imminente , post quam ipse vixerat jam non ipse , sed vita Crucifixi vixerat in illo , ejusdem Crucifixi Plagas , in quibus tamdiu latitavit , in membris suis digito Dei factas , biennio , summâ totius Orbis admiratione , ac gaudio , dignus factus est deportare . Quid ergo quærimus Fratres , ac in Domino Filii amantissimi , quid quærimus in hujus vitæ procellis ? Invitat nos Deus noster ad Portum tranquillitatis , & quietis ; certi exemplo Patris reddimur in Crucifixi vulneribus omnem gloriam nostram , omne decus , omnem honorem , omnemque consolationem esse collocandam ; numquid detestabimur ? An segnes erimus ? Id Deus Nobis concedat , ut quemadmodum suavisimus Nobis neminem vestrum huic sacro Ordini nomen dedisse , quin prius Christum imitari Crucifixum , Pauperum Patriarchæ premere vestigia animo firmiter proposuerit ; ita concepto animi fervori conversatio vestra respondeat , ut a Christo Crucifixio vos vocatos per assiduam in ejus vulneribus inhabitationem faciliè demonstretis . Quo fiet , ut similiter orationibus vestris adjuti , nulli Nobis importabile humeris nostris pondus sit oneri ; immò in Christo gloriemur , Nos Patrem tot Imitatorum Christi fuisse constitutos , ac salutem nostram , omniumque Vestrum consequamur . Valete cum Seraphica , tum omnium Coelestium Benedictionum plenitudine cumulati . Datum in Conventu S. P. N. Francisci Civitatis Vallis-Oletanæ Die decima Mensis Junii , Anni 1740.

Fr. Cajetanus a Laurino

Minister Generalis .

De mandato Rm̃i nostri in Christo Patris

Fr. Ioseph Maria de Fano Diffinitor , &
Pro-Secretarius Generalis Ordinis .

PER-

²⁴
PERTINENTIA

Ad Utramque Familiam.

I. **D**ecretum fuit examinare causam quare PP. Ministri, & Custodes aliquarum Provinciarum non accesserunt ad Generale Capitulum; & Definitorium Generale recogitabit de sufficientia, ac adhibebit remedium pro futuro.

II. Quoad locum sequentis Capituli Generalis, is relinquatur arbitrio Rm̃i Patris Ministri Generalis.

III. A Patribus Definitorii Generalis fuerunt cum omni diligentia examinatae causae aliquorum PP. Provincialium, & Custodum ad Generale Capitulum non accedentium, & cum per juridicas attestations probaverint fuisse legitime impeditos, ideo eas acceptarunt, salvis tamen attestations PP. Provincialis, & Custodis Provinciae Carnioliae, pro quibus fuit rescriptum: *Dilata*.

IV. Patres Definitores Generales sunt in voto quod humilimè S̃mo supplicationes porrigantur pro abolitione gratiarum Personalium. Cum hoc etiam, quod si a S. Sede concederetur gratia Personalis, ista solummodò valeat, quoad titulum, & puram praecedentiam, pro quo ut supra eidem Sanctissimo exhibeantur supplicationes, & rogetur quoque Eminentissimus Cardinalis Protector nomine totius Definitorii utriusque Familiae, ut super hoc puncto Ordinem nostrum tueri dignetur.

V. Custodes, qui ad praesens Capitulum Generale non attulerunt Scripturas cum notis, quas aliàs ex praescripto Constitutionum Generalium afferre tenebantur, tam de una, quam de alia Familia, seriò admoneantur, & relinquatur Superioribus Generalibus inquirere super Transgressores.

VI. Definitorium Generale maturè providere cupiens securitati, & conservationi Actorum originalium Capitulorum Generalium, decernit, quod in prima Sessione Definitorii Generalis, deputetur unus Pater de Corpore ejusdem Definitorii, cui consignari debeant omnia Acta facienda, usque ad electionem novi Definitorii Generalis. Ipso autem electo deputetur alius de ejusdem Corpore, qui deputatus a veteri Definitorio, consignare teneatur omnia Acta præcedenter facta, ut ea conservet, simul cum aliis Actis, quæ fient usque ad terminum Capituli Generalis. Quo dissoluto, dictus novi Definitorii deputatus, omnia Acta originalia consignare teneatur Archivista Generali illius Familæ in qua celebratur Capitulum Generale, cujus erit ea reponere, & conservare in suo Archivo, & authentica transumpta conficere, ac ad alterius Familæ Archivum, quam citius transmittere teneatur: Omnes supradictæ consignationes Actorum, & scripturarum fieri debent coram aliis duobus PP. Definitorii Generalis, & Consignans à Consignatario absolutoriâ recipere debeat ab Ipso simul cum Testibus subscriptam, & ita fieri præcipit sub gravibus poenis arbitrio Superiorum infligendis in Contrafacientes.

VII. Definitorium Generale totius Ordinis, tam Cis-montanæ, quam Ultramontanæ Familæ declarat Patronum, & Protectorem Generalem ejusdem Ordinis Serenissimum Principem Philippum Borbonium Hispaniarum Infantem, & Comitem de Chinchon, nec non, & omnes Successores in eodem Comitatu in perpetuum. Et suæ Regiæ Altitudini immensas refert gratiarum actiones, quod Religionem nostram affectu prosequens eandem sua Regia Protectione honorare dignata sit. Ac insuper omnes Patres ejusdem Generalis Definitorii plaudentibus cunctis Generalis Capituli Vocalibus, acceptant, & approbant conditiones propositas pro parte Serenissimi Infantis Patroni, & Protectoris nostri, nulla prorsus excepta, & supplicant

Reverendissimum Patrem nostrum Ministrum Generalem, ut curet, quod necessaria & opportuna Scriptura, & instrumenta ad placitum, & satisfactionem ejusdem Serenissimi Principis conficiantur. Ad quem effectum omnem, & quamcumque necessariam facultatem eidem Reverendissimo nomine totius Ordinis tribuunt, & conferunt, & tandem ut tanti beneficii, & Regiæ benignitatis Serenissimi Principis notitia quam citius perveniat ad omnes, & singulos Fratres, ac Moniales totius Ordinis nostri, inter Acta Capituli Generalis hoc Decretum referri præcipitur, atque hortatur Definitorium Generale omnes tam Superiores, quam Subditos, ut pro incolumitate tanti Principis, Serenissimæ ejus Conjugis, & ejus in dicto Statu Successorum Deum Omnipotentem Maximum exorare non desistant.

VIII. Definitorium Generale totius Ordinis attenta devotione, & pietate in nostram Religionem Excellentissimi Ducis Sfortiæ Cesarini, Fabretti, & Bovadilla, qui pro expensis Capituli Generalis copiosam elargitus est eleemosynam, decernit, quod Ipsi consignentur litteræ Patentales Suffragiorum, quæ concedi consueverunt Patronis suæ Excellentissimæ Familiæ, & publicari debent per omnes Provincias, & Conventus totius Ordinis, cum dictus Excellentissimus Dux, quem Deus ad plures Annos incolumem servare dignetur, ingrediatur viam Universæ Carnis.

IX. Definitorium Generale committit, & præcipit Officialibus Curiae tam Cismontanæ, quam Ultramontanæ Familiæ, ut supplicent Sanctissimum, quatenus declarare dignetur Ordinem nostrum attentis rationibus in Curia deducendis, esse in libertate eligendi sibi Patronum pro Congregationibus Cismontanæ, & Capitulis Generalibus Ultramontanæ.

X. Statuta Generalia Anni 1723., & 1729. Typis data, authentica non esse, Capitulum Generale declarat; sed recurri debere ad originalia.

Itaque, attento hujusmodi Capituli Generalis Decreto, adhibitâ accuratissimâ diligentia, originalia Statutorum Mediolanensium non fuerunt reperta, & quoad Romana Statuta de Anno 1723. dumtaxat fuerunt repertæ aliquæ chartulæ informes, plurimisque cassationibus, & additionibus maculatæ; hinc præhabito voto quatuor Patrum Ordinis, duobus videlicet ex Ultramontana, aliisque duobus ex Cismontana, declarat Rm̃us Pater Minister Generalis prædicta Statuta tum Mediolanensia de Anno 1729. tum Romana Anni 1723. non inducere aliquam obligationem, nec proindè esse observanda.

XI. Referuntur gratiæ Superioribus, qui charitative Vocales receperunt transeuntes pro accessu ad Generale Capitulum. Ab opposito autem sciant Superiores locales, qui non sic humaniter, & charitative Vocales receperunt in transitu, quod si aliqua erit instituta quærela, vel accusatio contra ipsos ad Superiores Generales respectivè, severè, privatione officii, ac actuum legitimorum puniuntur.

XII. Patribus Definitorii Generalis fuit propositum, dubium supra Statutum, quod duo Fratres etiam germani non possint simul interesse eidem Definitorio, an talis casus intelligendus sit de iis, qui sunt per electionem in eodem Capitulo, vel indiscriminatim; & etiam pro iis, qui aliundè habent locum; ut sunt Ex-Procuratores Generales, & Definidores Generales. *Fuit Rescriptum*: Pro hujus dubii declaratione Definitorium Generale sese remittit Prudentiæ Reverendissimi Patris Ministri Generalis, quatenus examinatis iis, quæ de jure examinanda sunt, declaret secundum id, quod melius in Domino videbitur expedire.

XIII. Quoad Patronatum de Cannete quoniam litigium est in successione, Definitorium Generale est in voto, quod supplicetur Sanctissimus, & in supplicatione exponantur litigium, & concordia, quod maximè lædit Reli-

gionem, & petatur ab Ipso ut si litigium finietur intra biennium, vel triennium, successio Patronatus pergat, prout de jure, aliàs Religio remaneat in plena libertate eligendi alium Patronum, & quatenus sententia sit in favorem alicujus actualis Litigantis, tunc iste præbeat, juxta modum Regulæ nostræ congruentem, augmentum Eleemosynæ &c. Idque, quia Religio plurimis est obnoxia incommoditatibus in supplici libello exprimendis.

Pro Ultramontana Familia.

I. **A** Brogetur in Familia Ultramontana titulus Prædicatoris clarissimi, cum videatur humilitati nostræ contrarius; & Prædicatores qui per decennium Conciones Quadragesimales habuerunt, cum conditionibus aliis temporibus statutis, appellentur Prædicatores Generales dumtaxat, sicut in hac Familia Cismontana, & ante completum decennium non habeant nisi titulum Prædicatoris. Prædicatores autem ii Generales gaudeant iisdem Privilegiis, quibus gauderent si adhuc nuncuparentur Clarissimi.

II. Vacante aliqua Cathedra Generali in Provinciis Ultramontanæ Familiæ, fiant oppositiones in propria Provincia, per Iudices assignandos à Superiore Generali, vel ex causa, in aliqua ex Provinciis vicinioribus.

III. Pater Vicarius Provincialis Provinciæ Observantis septem Martyrum declaratur Minister Provincialis, cum clausula, ut expleto Biennio à præsentī declaratione liberum sit Superiori Generali celebrare Capitulum Provinciale.

IV. Ponderatis rationibus productis per Definitorium Provinciæ S. Didaci Observantium, Definitorium Generale suppressit studium secundæ Classis in Conventu S. Antonii Casalensis, & quatenus opus sit fiat Verbum cum Sanctissimo.

V. Com-

V. Commutetur Sugestus pro Concionibus Quadragesimalibus Ferrariensis in alium Terræ Centi.

VI. Lecto supplici Libello Monialium S. Claræ Minschedolphi in Carniolia, quæ petunt aggregari Ordini Nostro, quantum ad beneficia Spiritualia: respondit Definitorium Generale, quod aggregentur, ut in Domino optant, quamvis eidem Ordini nequaquam subiiciantur.

VII. Renovatur Statutum, ut exhibeantur supplicationes Sanctissimo pro suffragio Patris Dignioris Provinciarum Observantium Ultramontanæ Familiæ in Congregationibus, & Capitulis, & per triennium Provinciali immediato, ad instar Familiæ Cismontanæ, talisque petitio fiat ab Officiali Curia post quatuor menses ejus accessus Romam, aliàs liceat unicuique talem supplicationem instituere. Salvo tamen jure eorum, qui alio titulo suffragium ferre debent in Congregationibus, Capitulis, aliisque Congressibus Provinciæ, ut sunt ex Superiores Generales, & ex Officiales Curia Romanæ.

VIII. Debet a Reverendissimo Patre Generali fieri Inquisitio de subsidiis Albanæ 1739. & Anni 1740.

IX. Declaratur Studium Provinciale illud, quod nunc est in Civitate Varadini Sancti Ladislai, & ipsi derogatur prærogativa Studii Generalis.

X. Habito recurso contra Provinciam S. Caii noviter erectam, eo quod sibi usurpet titulum Provinciæ Bosnæ inferioris, ac proinde privilegia æquitandi, bona immobilia possidendi &c. Respondit: Definitorium Generale, audiendum esse Definitorium Provinciæ S. Caii, & Provinciæ Bosnæ Argentinae.

XI. Quoniam in Provincia S. Caii in Dalmatia adest ex nova erectione Sigillum novum id adnotetur, ut possit Typis mandari.

XII. Post erectionem factam autoritate Apostolica, Provinciæ S. Caii in Dalmatia, petita fuerunt a Definitorio

rio Generali testimonialia authentica, & litteralia hujusmodi divisionis; Cumque Provincialis, & Custos ea non attulissent; Definitorium Generale fuit in voto, quod pro nunc admittantur ad suffragandum, & deinde in futuro Capitulo Generali, vel apud Sanctam Sedem exhibeant testimonia authentica erectionis.

XIII. Admittitur Provincia S. Antonii Lycienſis, annis elapsis autoritate Apostolica erecta, ad suffragandum. Quo. verò ad supplicationem pro reunione cum Provincia S. Nicolai, Definitorium Generale permittit, quod ab ipsis, ordine servato, exhibeatur pro hoc negotio supplicatio Sanctissimo præhabitâ concordia utriusque Provinciæ, quæ debent convenire inter se, ut exhibeant supplicationem prædictam.

XIV. Quantum ad novam Compilationem Statutorum, decretum fuit a Definitorio Generali, ut revideatur a quatuor Patribus, hoc est a duobus ex Observantia, & duobus ex Reformatis deputandis a Reverendissimo Ministro Generali, existentibus in eadem Civitate, ut possint inter se conferre; deinde remittatur Romam pro novo examine, & in reliquis juxta Statuta.

XV. In præfata Statutorum Compilatione, pro Familia Ultramontana habeatur specialis ratio pro designandis conditionibus, & qualitatibus Promovendorum ad Definitorium, Custodiatum, & Provincialatum.

XVI. In Provincia S. Ladislai Hospitia sequentia, videlicet Veroriterense, Kigethense, Siklogiense, Camnisiense, Ktazolovicense, Definitorium Generale, quantum in se est, in Conventus formales erigit.

XVII. Ad evitanda quamplurima inconvenientia, præcipitur Procuratori Generali Ordinis, ut expleto tempore in littera obedientiali statuto præ illis qui Romam pergunt, statim faciat illos discedere nisi aliter videbitur Superiori Generali.

XVIII. Statutum fuit, Lectores Generales, & Provinciales actuales præcedere Patres habituales, videlicet Ex-Custodes, & Ex-Definitores, quæ præcedentia extenditur per totam Provinciam, dummodo pergant exercitio Officii.

At orto dubio super verba illa: *dummodo pergant exercitio Officii*; declaratum fuit cum voto aliquorum Patrum, Definitorii Generalis verba illa intelligenda esse pro omnibus actibus concernentibus officium, puta pro adinvenendis libris, relaxatione animi ut fortius reassumant laborem studii, componendis lectionibus, aliisque quoquomodo ad officium spectantibus, dummodò notabiliter otiosi non sint.

XIX. Statuitur Procurator Missionum Romæ, qui assignatur tanquam scriba Adm. Rev. Patris Procuratoris Generalis Ordinis, omnino Ipsi subiectus absque eo quod habeat ullum Sigillum proprium. Sed orto dubio super verba illa *tanquam Scriba*, declaratum fuit cum voto aliquorum Patrum Definitorii Generalis, verbum *Scriba*, vel fuisse errorem Amanuensis, vel idem indicare, ac *Coadjutor* ejusdem Officialis Curia.

XX. Patres Custodes ex Provinciales de Observantia Ultramontanæ Familiæ supplicarunt Definitorium Generale, ut aliquod ipsis impertiretur præmium ob plurima incommoda, quæ in accessu ad Capitulum Generale pertulerunt, cum magno propriæ salutis detrimento: Fuit rescriptum; *Habebitur ratio in compilatione Statutorum pro hoc negotio*.

XXI. Provincia Observantium Sancti Caji supplicavit Definitorium Generale, ut mandaret quibusdam Patribus, & Fratribus Bosnensibus Provinciæ Bosnæ Argentinæ, qui in divisione Provinciæ illic remanserunt, quatenus se declararent, quam Provinciam pro Matre recognoscant; & fuit rescriptum: *Cogantur ad se declarandum*.

XXII. Pater Frater Seraphinus ab Assumptione Pro-Minister

nister Provinciæ Discalceatorum S. Petri de Alcantara in Regno Neapolis, supplicavit, etiam nomine suæ Provinciæ Definitorium Generale, ut elargiretur Vocalibus dictæ Provinciæ eas gratias, quæ aliis Vocalibus accedentibus ad hoc Generale Capitulum concederentur. Fuit rescriptum: *Audiat Definitorium Provinciæ.*

XXIII. Pater Frater Angelicus a Melita Jubilatus de numero, & Commissarius Terræ Sanctæ Observantis Provinciæ Vallisnethi, supplicavit Definitorium Generale, ut quatenus amoveretur ab hujusmodi officio, assignaretur ei Socius gratus ad ejus senectutem sublevandam, pro bene actis in dicto Officio, quod exercuit spatio vigintiquinque annorum. Rescriptum fuit: *Pro gratia juxta petita.*

XXIV. Provincia Minoris Poloniæ de Observantia supplicavit Definitorium Generale ut renovaret Statutum latum, quo sancitur, ut ad nulla Superioritatis Officia promoveantur illi Fratres qui alias Religiones petunt, & ibi minimè perseverantes redeunt: *Ulterius quaesivit*: An Fratres Strictioris Observantiæ Provinciæ Minoris Poloniæ sint exempti a Processionibus publicis, ad quas nec sub propria, nec sub ejus Cruce accedunt. Fuit rescriptum: *Servari solitum.*

XXV. Conventus S. Mariæ Angelorum Panormi supplicavit Definitorium Generale: Primò, ut præciperetur Patri Commissario Terræ Sanctæ pro tempore illic degenti, quatenus cum effectu resignaret eidem Conventui Cellas ejus antiquas, quas adhuc occupat, cum jam ædificaverit Dormitorium particulare capax ad usum Fratrum suæ Commissioni subjectorum. Secundò, ut reduceretur ad antiquam consuetudinem numerus Quæstorum pro Terra Sancta in Civitate Panormi, in qua semper fuit tantum unus, & modò multiplicavit ad quatuor. Fuit rescriptum: *Auditis Partibus, Reverendissimus Pater Minister Generalis provideat.*

XXVI. P. F. Thomas a Neptuno Observantis Provinciæ Romanæ electus in Definitorum suæ Provinciæ post alios; sed intra actus Capitulares, ob renunciationem unius ex Definitoribus præelectis, supplicavit Definitorium Generale, ut provideret circa Præcedentiam supra dictos alios Definidores, qui ei ipsam denegant, utpote prius electi, & si sint eo posteriores habitu. Fuit rescriptum: *Præcedentiam deberi Definitoribus ante Oratorem electis, etiam si habitu posterioribus.*

XXVII. P. F. Antonius ab Arsano Custos Observantis Provinciæ S. Angeli in Regno Neapolis supplicavit Definitorium Generale, ut confirmaret Alternativam inter duas Custodias ejusdem Provinciæ, quadragiata ab hinc Annis, ad pacem fovendam, introductam; & a Revmo P. Josepho Maria ab Eborâ autoritate Apostolica confirmatam sub die 30. Aprilis 1735. Fuit rescriptum: *Juxta votum, nempe affirmativè.*

XXVIII. Vicarius Provincialis, & Custos Provinciæ Poloniæ Minoris, asserentes eandem Provinciam gravatam remansisse in divisione a Provincia Lithuanicâ, quoad numerum Conventuum; eo vel maximè, quia post eorum habitum recursum ad Discretorium Generale, a quo decretum fuit, ut unum Conventum viciniorem eis Patres Lithuani dimitterent, qui tamen distantissimum Mozirenses dictum assignarunt; quapropter supplicarunt Definitorium Generale, ut alium Conventum viciniorem, ut est Pinscensis, aliosque ex Provinciis Majoris Poloniæ, & Russiæ, in dicta Provincia Minoris Poloniæ positos, pro augmento depauperatæ Provinciæ Minoris Poloniæ Matris omnium supradictarum Provinciarum petentibus adscriberet. Fuit rescriptum: *Ad Ministrum Generalem cum Discretorio Familiæ existente Romæ.*

XXIX. Provincia Observantiæ Bosnæ Argentinæ supplicavit Definitorium Generale; primò, ut manuteneatur in
E
pacifi-

pacifica possessione suorum Conventuum, Residentiarum, & Hospitiorum. Fuit rescriptum: *Manuteneatur in pacifica possessione*. Secundò. Quæsit abolitionem unius studii Generalis, ita ut tantummodò duo studia habeat, unum Provinciale, & alterum Generale. Fuit rescriptum: *Providebitur, & nihil innovetur*. Tertiò. Quæsit Præcedentiam Patrum habitualium supra Lectores Generales. Fuit rescriptum. *Juxta Ordinis Statutum in hoc ultimo Capitulo Generali editum, quod Lectores Generales, & Provinciales Theologiæ habeant præcedentiam supra Patres habituales*. Quartò. Quæsit, utrum Guardiani eorundem Conventuum ubi vigent studia, debeant præcedere Lectores Generales sibi subditos, dum eos convenire contingat esse in aliis Conventibus extra districtum suorum respectivè Conventuum. Fuit rescriptum: *Præcedant Guardiani*. Quinto. Quæsit, an præsupposita absentia Patris Guardiani extra proprium Conventum, & Districtum, Vicarius præcedere debeat Lectores Generales ejusdem Conventus. Fuit rescriptum: *Vicarii præcedant*. Sexto. Quæsit, an Pater Secretarius Provinciæ præcedere debeat Patres habituales, nempe ex Custodes, & ex Definidores, ideoque etiam Lectores Generales. Fuit rescriptum: *Servetur consuetudo Provinciarum*. Septimo. Conquesta est dicta Provincia Bosnæ Argentinæ, quod altera sibi contigua mittat Quæstuanes suos extra limites propriæ jurisdictionis. Fuit rescriptum: *Assignentur termini quæstuationis, & inter se convenient*; & *in reliquis juxta Constitutiones Ordinis*. Octavo. Quæsit facultatem mittendi Clericos ad studia in Italia, sicuti altera Provincia Bosnæ hoc privilegio gaudet. Fuit rescriptum: *Dilata, & Superior Generalis provideat in Casibus particularibus*. Nono. Cum Pater Custos Provinciæ resignaverit suum officium, & alius loco ipsius electus fuerit ad ferendum suffragium in Capitulo Generali, qui ob impedimentum pestis grassantis non potuit accedere; quæ-

quæsit dicta Provincia confirmationem electionis hujus secundi, cum omnibus privilegiis, & prærogativis &c. Fuit rescriptum: *In casu hoc particulari providebitur.*

XXX. Provincia Sclavoniæ recursum habuit contra Provincias Marianam, & Carniolam Reformatorum, eo quia in quæstuatione limites excedunt in præjudicium &c. Fuit rescriptum: *Provisum*; idest, *assignentur termini quæstuationis.*

XXXI. Patres Lectores Generales Observantis Provinciæ Vallis-Nethi supplicarunt pro declaratione: An Pater Isidorus Cæsar de Gaulas, ex quo habuerit decretum Propagandæ Fidei præcedendi immediatè post Definidores actuales, vigore ipsius debeat præcedere Lectores Generales actuales. Et ita P. Ioachim a Melita Lector Jubilatus ejusdem Provinciæ supplicavit; cui etiam &c. Fuit rescriptum: *supplicandum sanctissimo per Officiales Ordinis pro declaratione Constitutionis S. mem. Clementis XI.*

XXXII. Patres Lectores Generales, qui ad explendum munus Pro-Ministeriatus, & Custodiatu ex Familia Ultramontana ad Capitulum Generale accesserunt, quæsierunt, ut tempus consumptum in itinere pro accessu, & recessu computetur ipsis tamquam si verè legissent in suis studiis. Fuit rescriptum: *Attendatur Bulla Urbani VIII.*

XXXIII. Patres Lectores Sacræ Theologiæ Provincialis, actuales, & habituales Observantium rogarunt, ut aliquod præmium eis impertiretur statim ac cursum suum compleverint eoque etiam gaudeant hujusmodi Lectores habituales. Fuit rescriptum: *Juxta votum*, quod quidem fuit; *servanda esse Statuta Generalia Ordinis.*

XXXIV. Pater Frater Blasius a Camerata Provinciæ Observantis Vallis-Mazariæ Sacræ Scripturæ Expositor, representavit adesse consuetudinem in sua Provincia, hujusmodi Expositores gaudere præcedentiâ immediatè post Patres aggregatos de numero; quare Sacerdotes qui jam tri-

gelimum annum Religionis expleverunt prætendunt ipsi hujusmodi consuetudinem non suffragari, & ideo postulavit, ut tempore sui officii fruatur tali præcedentia. Fuit rescriptum: *Servetur consuetudo.*

XXXV. Patres habituales Observantis Provinciæ Vallis Mazarix, non obstante Decreto lato a Reverendissimo Patre Iosepho Maria ab Ebra Authoritate Apostolica, concernente præcedentia Lectorum Iubilatorum de non numero, & Lectorum Generalium supra Patres prædictos habituales, petierunt, ut juxta antiquum Provinciæ morem fruerentur præcedentia supra prædictos. Fuit rescriptum: *Lectum.*

XXXVI. Provincia Vallis-Mazarix de Observantia quaesivit, utrum, & quam debeat Chronologis Provinciarum præcedentia. Fuit rescriptum: *Serventur Constitutiones, & impoſterum providebitur.*

XXXVII. Provincia Observantiæ Vallis-Mazarix postulavit; An primus Pater Provinciæ, cui convenit secundum jura subrogatio, expleto biennio suæ subrogationis, possit saltem substitui in absentia alicujus de Definitorio. Fuit rescriptum: *Posse.*

XXXVIII. P. Frater Clemens de Panormo Observantis Provinciæ Vallis-Mazarix proposuit varia dubia de præcedentia, quorum primum fuit: Num verba illa in Statuto Sambucano §. de Præcedentia: *Custodes, & Definitorcs se invicem præcedant & ceteris paribus*: retardent Custodi præcedentiam supra Definitorios Iubilatos, etiam de non numero. Secundo: An Custos, & respectivè Definitor, qui sit Lector Generalis legens in alio studio, a Conventu, in quo degit Definitorium, debeat necnè præcedere Definitorum, qui ante Definitorium erat de numero habitualium. Tertio: An Lectores Generales qui gaudent præcedentia supra Patres habituales, ejusmodi præcedentiam habeant in tota Provincia. Quarto: An præcedentia

tia concessa ab Ordine Custodibus suffragantibus in Capitulo Generali, intelligatur tam de habitualitate, quàm de actualitate. Quintò: Quod habita dubiorum decisione, statuatur poena in contrasacientes, a Definitorio Generali. Fuit rescriptum: ad primum, & secundum *juxta Constitutiones*; ad tertium: *gaudeat præcedentia in tota Provincia*; ad quartum: *juxta Ordinis Statuta*; ad quintum: *juxta Votum*, quod erat, *quod in casu controversiæ Provincialis utatur jure suo*.

XXXIX. Provincia S. Ladislai in Sclavonia, primò petiit declaratoriam Studii Generalis secundæ Classis in Conventu quinque Ecclesiensi. Secundo: Postulavit, quatenus ob bonum commune ejusdem Provinciæ, ex gremio Definitorii, aut Custos cum uno Definitor, aut duo Definitores in Guardianos eligi possint, suasque in Congressibus Definitorialibus omnes exercere possint functiones. Tertiò: Cum P. Mauritius Bedniak in Provinciali studio Theologiæ Lector, ante quinque annos concursum pro Generali Studio cum aliis habuerit, in quo præ aliis habilior inventus fuit; & quia ob defectum vacantix locum habere non potuit in Generali studio; fuit promotus novus concursus a P. Commissario Visitatore ejusdem Provinciæ in Comitibus Provincialibus, contradicentibus omnibus Patribus Definitorii; & quia ob præclusos passus, ratione inibi grassantis pestis comparere nequivit, loco, & Studio Generali per dictum P. Commissarium privatus fuit; ac proindè quærit Iustitiam. Quarto: Dicta Provincia quæsit resolutionem præcedentiæ inter Patres Lectores Theologos tam Generales, quàm Provinciales ex una parte, & inter Patres Concionatores clarissimos actù prædicantes ex altera. Quinto: Quæsit resolutionem præcedentiæ inter Lectores Theologiæ Provinciales actù legentes, & Ex-Definidores, ac Lectores habituales Theologiæ sexennales. Sexto: Anno 1696. sub Commissario Visitatore prodiit statutum, ut

Lecto-

Lectores Theologiæ moralis, ac Philosophiæ actuales cum Concionatoribus ordinariis, ex antiquitate habitus inter se præcederent; & præsentī Anno 1740. Alius Commissarius Visitator, repugnantibus omnibus Patribus Definitorii; oppositum ordinavit, Lectoribusque supradictis supra Concionatores ex antiquitate habitus seniores præcedentiam concessit. Unde Provincia petiit, utrum priori, vel posteriori ordinationi standum sit. Septimo: Postulavit, ut demandaretur vicinis Provinciis, Mariano-Hungariæ nimirum, & Carniolicæ S. Crucis, nè in colligendis Eleemosynis suos excederent districtus. Fuit rescriptum: ad primum *conceditur juxta petita*; ad secundum: *recurrant in casibus particularibus*; ad tertium, *pro informatione, auditis partibus coram Reverendissimo Patre Ministro Generali*; ad quartum, *declarat Definitorium Generale, quatenus opus esset, imposterum Prædicatores, qui dicti fuerunt clarissimi, sed modò Prædicatores Generales, cedant præcedentiam Lectoribus Generalibus actualibus, & quoad præteritum, servetur consuetudo si pacifica fuerit*; ad quintum, *Lectores actuales Sacræ Theologiæ Provinciales servent Constitutiones de præcedentia Lectorum actualium supra Patres habituales*; ad sextum, *serventur Constitutiones*; ad septimum, *serventur omnino Constitutiones Ordinis pro limitibus quæstuationum; & interim Patres Provinciales mittant Patri Ministro Generali limites Provinciarum, & quatenus limites non sint terminati, inter se conveniant Patres Provinciales adjacentium pro determinandis limitibus quæstuationum.*

XL. Patres Bosnenenses Bosnæ Argentinæ, a Sacra Congregatione de Propaganda Fide petierunt. Primo: Aut uniri Dalmatis, aut separari cum tribus Conventibus ab Hungaris, & Custodiam sejunctam ab omnibus aliis componere. Responsum fuit: *Id remitti ad Capitulum Generale.* Secundo: Ut licitum foret eis quæstulare extra confinia dictæ Custodiæ sive in Dalmatia, sive in Hungaria; Quod fuit

fuit remissum ad idem Capitulum Generale. Fuit rescriptum: ad primum, *relinquitur Officialibus Curiae, ut ponderatis rationibus, exhibeant votum Sacrae Congregationi, juxta prudentiam, & Conscientiae dictamen*; ad secundum: *observentur limites quaestuationis.*

Pro Cismontana Familia.

I. **Q**Uoad vertentiam inter Provincias Aragoniae, & Valentiae circa Conventum S. Mariae Maeliae fiat nova conventio per Compromissarios duos, eligendos ab utraque respective Provincia, quorum erit deducere Acta, & Iura intra tempus determinandum a Reverendissimo Patre Commissario Generali, per quem decidetur quid quid melius secundum justitiam in Domino visum fuerit, & interim maneant in Conventionibus factis.

II. In casu discordiae Provincialis, & Guardiani cum suo Discretorio pro collocandis Alumnis in Seminariis Missionum hujus Familiae Cismontanae; recurratur ad Reverendissimum Superiorem Generalem pro opportuna decisione; super quo supplicetur Sanctissimus, ut possit Superior Generalis in hoc negotio se ingerere pro decisione, & interpretatione Constitutionis Pontificiae, in casu &c.

III. In hac Cismontana Familia pro Observantibus Hispaniae, praecedentia inter Lectores actuales desumenda est à die Possessionis, & exercitii litterarii, in quocumque tale exercitium consistat, sive in docendo, sive assistendo Circulis, etiam tempore vacationum. Quod si non se se offerat occasio alicujus Circuli, sat est, ut per sonitum campanulae Discipulos convocet, & eos unica lectione doceat, & inde tempus vacationum assumat. In cæteris verò juxta Ordinis Statuta.

IV. Committitur Officiali Curiae hujus Cismontanæ Familiæ, ut recurat ad Sanctam Sedem pro reductione Misarum Monasteriorum Monialium Hispaniæ respectivè.

V. Confirmatur Decretum olim emanatum, favore Custodiæ S. Michaelis, in quo concessum fuit, quod Secretarius habeat vocem activam, & passivam in Capitulis Provincialibus.

VI. Definitorium Generale Cismontanum remisit arbitrio Reverendissimi Patris Commissarii Generalis deputationem quatuor Revisorum, vel plurium, quibus incumbat onus revidendi antiquas, & modernas Constitutiones jam ab Ordine editas, & approbatas, ad tenorem resolutionis Discretorii Generalis.

VII. Inter Provincias hic ordo servetur. Primo, quantum ad Provinciam Saxoniae S. Ioannis Baptistæ Recolletorum Scotiæ, & Daniæ, quæ hodie amplius non subsistunt, relinquuntur prout sunt, sed ad marginem cujuslibet illarum trium apponatur: *non subsistit*. Secundo Provincia Angliæ ponatur post Provinciam Brithanniæ, conformiter ad seriem Provinciarum apud Gonzagam, & ad Capitula Generalia de Annis 1670. 1682. Tertio: Magnus Conventus Parisiensis ponatur immediatè post Provinciam S. Mariæ Magdalena.

VIII. Provincialis, & Custos Provinciæ Salmaticensis petierunt assignari aliquem Religiosum in Commissarium; Religiosorum Aduenarum, cui isti teneantur exhibere litteras obedientiales in eorum accessu ad dictam Civitatem. Fuit rescriptum: *P. Guardianus magni Conventus provideat prout de jure vel per se, vel per alium.*

IX. Vocales Provinciæ Sardiniae instarunt contra Patrem Fratrem Emmanuelem de Medino Guardianum Conventus Guadalaxaræ, eò quia eos non recepit in Hospitio imò vilipendiosè Eos è Conventu ejecit. Fuit resolutum: *Definitorium Generale præcipit; quod privetur Officio Patet Guardianus de Guadalaxara.*

X. P. F. Petrus Vaquen Custos Provinciæ Majoricarum supplicavit, ut, propter maxima pericula tolerata in itinere ad Capitulum Generale, concedantur ei exemptiones & prærogativæ concessæ Custodibus Provinciarum Sardinensium in hocce Capitulo. Fuit responsum: *conceditur ipsi pro gratia juxta petita.*

XI. Provincialis, & Definitorium Provinciæ Observantis Carthaginensis supplicavit Sanctissimum pro divisione dictæ Provinciæ in duas; & Sanctitas sua sub die 2. Augusti 1739. remisit arbitrio Capituli Generalis cum facultatibus necessariis &c. Fuit resolutum, die 11. Junii 1740.: *Definitorium Generale se compromittit in Reverendissimum Patrem Commissarium Generalem, ut visis videndis, & examinatis examinandis provideat prout sibi magis in Domino videbitur expedire.*

XII. P. Faustinus a S. Rosa Provinciæ Portugalliæ Jubilatus, & S. Officii Qualificator, Bullæ Cruciatæ Consultor &c. supplicavit, ut ob molestias toleratas in accessu ad Capitulum Generale pro adimplendo munere præsidentie Conclusionum, concederetur Ei Socius gratus. Fuit resolutum: *Ad Reverendissimum Commissarium Generalem.*

XIII. Custodes actuales Regni Hispaniarum supplicarunt, ut ob longi itineris, labores passos, concederentur Eis privilegia, & exemptiones stabilitas præ Ultramontanis Custodibus. Fuit resolutum: *Letum.*

XIV. P. Custos Provinciæ S. Fidei quæsit Confirmationem Collegii D. Bonaventuræ in nova Granata, & Statutorum ad ipsum pertinentium. Fuit resolutum 9. Junii 1740. *Approbantur Constitutiones, de quibus in precibus, & confirmatur Collegium.*

XV. Custos S. Evangelii in Mexico petiit extensionem privilegii cum jure suffragandi pro digniori, & antiquiori Patre, sicuti concessum fuit in aliis Provinciis Septentrionalibus. Fuit resolutum, die 9. Junii 1740.: *Pro gratia*

extenſionis ad omnes Vocales Provinciarum Indiarum , ut petitur .

XVI. Provincia Angelorum petiit confirmationem Concordiæ factæ cum Provincia Bæthica ſuper argumentum in publicis Theſibus Civitatis Hyſpalenſis , nempe ut prima die Theſium incipiat Lector Conventus Magni S. Franciſci Provinciæ Bæthicæ , ſecunda die Lector S. Antonii Provinciæ Angelorum ; quique Ordo ſervetur etiam inter Lectores Philoſophiæ Conventuum S. Franciſci , & S. Antonii , ac etiam in Theſibus Capitularibus , excepto medio , quod ad Conventum magnum Sancti Franciſci ſemper pertinet . Fuit reſolutum , die 9. Junii 1740. : *Pro confirmatione Concordiæ , ut petitur , ſub pœna privationis Lecturæ Lectoribus contraſacientibus , & Actuum legitimorum Guardiani conſentienti .*

XVII. Provincia Sancti Didaci Canariarum ſupplicavit , quod ob diverſas calamitates perpeſſas in illo Regno , Sæculares ab elargitione Eleemoſynæ omnino ſe abſtineant , & ob onus Miſſarum , Officiorumque , Provincia prædicta , maximè gravetur , quia aut minimè , aut ex integro , vel non promptè perſolvant , quapropter Syndici in neceſſitatibus Religioſos providere nequeant ; ideò ſupplicavit , ut applicatio Miſſarum Dominicalium ipsis libera foret . Secundò , petiit , quod Commiſſarius Viſitator ſit eligendus ex Familia illius Provinciæ ad evitandas expenſas , & caſu , quo expleto triennio non accedat ad executionem ſuæ deſtinationis ob inconstantiam Maris , poſſit Provincialis cum ſuo Definitorio eligere Viſitatorem , & Præſidem Capituli . Tertio , Poſtulavit , ut poſſit in Guardianos eligere abſque ulla diſpenſatione Præſidentes ultra bi-meſtre . Fuit reſolutum : ad primum , *arbitrio Reverendiſſimi Patris Commiſſarii Generalis* ; ad ſecundum : *quantum ad primam partem , arbitrio Rm̃i Superioris Generalis , & quantum ad ſecundam , ſi ſinito triennio Phyſico Viſitator non comparuerit ,*
Mini-

Minister Provincialis cum suo Definitorio eligat Visitatorem, & Præsidentem Capituli; ad tertium, conceditur dispensatio petita.

XVIII. Discretorium Generale Cisimontanæ Familiæ supplicavit, ut assignentur a Definitorio Generali quatuor Revisores, vel plures, qui quidem ad unguem revideant Statuta Generalia, & faciant compilationem quàm citius. Fuit resolutum: *Definitorium Generale remisit arbitrio Reverendissimi Commissarii Generalis deputationem quatuor Revisorum, vel plurium, quibus incumbat onus revidendi antiquas, & modernas Constitutiones jam ab Ordine stabilitas, & approbatas, ad tenorem resolutionis Discretorii Generalis.*

XIX. P. Matthæus de Zaniorra Provinciæ Sanctæ Fidei Sacræ Theologiæ Lector, exposuit Decretum Sac. Congregationis Episcoporum, & Regularium, quo remittitur ad Capitulum Generale Dispensatio in tribus annis suæ Lecturæ interpolatis pro Jubilatione assequenda. Fuit resolutum: *Definitorium Generale, vigore Decreti Sac. Congregationis, indulget Oratori pro gratia juxta petita.*

XX. P. Nicolaus Rocca, & Poloro Pro-Minister Provinciæ S. Saturnini in Sardinia, intuitu laborum tam ratione belli, quàm itineris in servitium Religionis, petiit gaudere favore Patris Provinciæ. Fuit resolutum: *Renoventur antiqua Statuta Viſtorienſia juxta petita.*

XXI. P. Antonius a Plagis Lusitanus Provinciæ Arabidorum supplicavit, ut Ipsi servaretur honor, & titulus Custodis, quamquam ad Capitulum Generale non accesserit ratione infirmitatis, & senectutis. Fuit rescriptum: *serventur Constitutiones.*

XXII. Pater Vincentius Gonzales Lector Jubilatus, & Cathedraticus Theologiæ in Universitate Salmaticensi, & Pater Joannes Valcange pariter Lector primarius, & Cathedraticus, pro eorundem laborum remuneratione petierunt

runt aliqua Privilegia, & exemptiones. Item, ut obtenta prima Jubilatione quindecim annorum, si perlegant per alios sex annos, gaudere possint Privilegio bis Jubilati. Fuit resolutum: *Completo quindenario pro prima Jubilatione requisito, si legerint in Universitatibus per sexennium, in casu de quo agitur, gaudeant prærogativis bis Jubilatorum; in reliquis relinquatur arbitrio Reverendissimi Superioris Generalis Familiæ Cismontanæ, qui attentis omnibus circumstantiis, provideat quod sibi magis expediens visum fuerit.*

XXIII. Patres Vocales Provinciæ S. Didaci Canariarum, cum tempore opportuno ad suffragandum non accesserint, petierunt ipsis concedi privilegia legis pro Vocalibus ejusdem Provinciæ, ac si suffragati fuissent. Fuit resolutum: *Gaudeant Privilegiis ut de jure petitur, quin egeant nova gratia, vel declaratione.*

XXIV. Patres Actuantes, & Concionatores hujus Cismontanæ Familiæ, qui per novem, aut decem annos perlegerunt Sacram Theologiam, supplicarunt habere titulum, & honores jubilationis cum onere tamen adimplendi respectivè tempus Læctionis Theologiæ a legibus præscriptum. Fuit resolutum: *Pro gratia juxta petita.*

XXV. Lectores Jubilati Provinciæ Portugalliæ, & Lectores actuales ejusdem Provinciæ, petierunt, ut non obstante numero sex Lectorum jubilatorum vocem activam in Capitulis Provincialibus habentium, cum in illa Provincia sint quatuor studia Theologiæ, alii duo assignentur, qui suffragio gaudere possint. Secundo. Rogarunt, ut servetur consuetudo antiquissima, & immemorabilis de titulo Paternitatis erga omnes Lectores jubilatos indiscriminatum. Tertio. Ut Lectores nec jubilati, nec actuales nullatenus sint adstricti ad Tabulam prædicationis Quadragesimæ, aut Adventus, & quod habere possint socium gratum, saltem de corpore studii. Fuit resolutum: *Serventur Constitutiones Generales, & respectivè solitum.*

XXVI. Pater Marinus Barbè Doct̃or Sorbonicus, necnon magni Conventus Parisiensis Gardianus, nomine præfati magni Conventus, petiit locum honoris, & præcedentiæ inter Vocales Familiæ Cismontanæ, & quod ipsi restituantur locus juxta Statuta hætenus probata. Fuit resolutum: *Retineat locum, & præcedentiam ad tenorem Statutorum antiquorum.*

XXVII. Pro-Minister, & Custos ex Provinciis tam Observantium, quàm Discalceatorum in Regno Mexicano, Insulisque Philippinis existentes, & in Hispaniarum Regnis commorantes, qui ad Generale Capitulum accesserunt ad suffragandum, petierunt, ut in suis Provinciis gaudere possint titulo, & præcedentiâ Patribus Provinciæ concessis, cum jure etiam suffragandi in Definitorio. Fuit resolutum: *Pro gratia ut petitur, videlicet, quod attentis specialibus rationibus in libello allatis, gaudeant quoque jure suffragandi pro Patribus digniori, & immediato, sine præjudicio tamen Ministri, seu Vicarii Provincialis immediatæ Officio functi, & quoad hanc subrogationem minimè intelligatur gratia concessa Discalceatis, cum non habeant Patrem digniorem, & immediatum cum jure suffragandi.*

XXVIII. Declarat Definitorium Generale, quod legitimè impedito Patre Guardiano magni Conventus Parisiensis, possit per Discretorium locale creari Pro-Guardianus ad suffragandum in Capitulo Generali, & sic consequenter debere fieri in præsentī Generali Capitulo, ad quod accessit tamquam Pro-Guardianus Pater Marinus Barbè, electus a Discretorio magni Conventus Parisiensis.

XXIX. Orta Controversia super præcedentiâ inter Patres Godefridum Suerem Sacræ Theologiæ Lectorem jubilatū, & Menolphum Sacræ Theologiæ Lectorem actualem proximè jubilandum, quorum primus lauream jubilationis obtinuit cum legitima dispensatione super interpolatione; secundus verò absque ulla dispensatione. Respondit

dit Definitorium Generale : *Præcedentiam deberi Patri antiquiori , nimirum Patri Godefrido supra-nunciato .*

Pro Reformatis .

I. **I**mpedita celebratione Capituli Provincialis Reformatæ Provinciæ Papiæ per spatium annorum circiter septem ; lecto supplici libello tum electi Vicarii Provincialis , modò verò Commissarii , tum Custodis , quo petebatur suffragium in Capitulo Generali : *Respondit Definitorium Generale ;* Custodem jure suo posse admitti ad suffragandum , & quatenus opus esset , dispensari cum eo : Commissarium verò Provinciale , quoniam jus non habet ad suffragium , posse tamen admitti , & esse admittendum ex gratia ad hujusmodi suffragium , facta cum illo opportuna dispensatione .

II. Admittitur ad suffragandum Pater Provincialis Corficæ Reformatorum , cum eodem dispensando , non obstante quod triennium cum semestre excesserit .

III. Pro - Minister Reformatæ Provinciæ Vallis - Nethi in Sicilia , supplicavit Definitorium Generale , ut dispensaret P. Seraphino a Barrafranca ejusdem Provinciæ Ministro Provinciali , pœnas determinatas a Statutis Generalibus ob non accessum ad hoc Generale Capitulum propter ejus infirmitatem ; ac etiam Patri Antonino a Platia ex Provinciali ob non accessum ad Capitulum Generale Mediolanense , etiam ob ejus infirmitatem ; sinè tamen præjudicio Patris Ruphini a Motuca Ex - Provincialis , qui est jam in possessione talis præcedentiæ , quam amisit dictus Pater Antoninus a Platia . Fuit rescriptum : *Examinentur Cause cur non accesserunt .*

IV. Provincia Reformata Bohemiæ conquæsta est contra Patres

Patres Hibernos Observantes in Civitate Pragensi degentes, quod prædicti Patres, non obstante conventionē facta inter ipsos, adhuc limites quæstuationis excedunt, & quod ipsi Hiberni Observantes jactent se esse Reformatos, ut majorem eleemosynam conquirant. Fuit rescriptum: *Servetur concordia, & convenientia, & P. Provincialis utatur jure suo.*

V. Provincia Poloniæ Majoris Reformatorum exposuit suum gravamen contra Patres Observantes Majoris Poloniæ, quod ipsi per immutationem habitus, per depositionem Calepodiorum, & assumptionem Sandaliorum, sub nomine Reformatorum quæstuationem faciunt in dictæ Provinciæ Reformatæ detrimentum, ac præjudicium. Fuit rescriptum: *Non audeant indumento Reformatorum vestiri, & Provincialis utatur jure suo contra repugnantes.*

VI. Provincia Poloniæ Majoris supplicavit habere locum in Comitibus Generalibus immediate post Provinciam Minoris Poloniæ, eo quia eodem tempore erecta fuit in Provinciam cum Polonia Minori per Bullam Urbani Octavi Anno 1673. die 3. Julii. Fuit rescriptum: *Audiantur Partes, & interim nihil innovetur.*

VII. Minister Provincialis cum pleno Definitorio Provinciæ Vallis-Mazariæ Reformatorum postularunt commutationem Sigilli Provinciæ nunc repræsentantis B. Matthæum ab Agrigento, in aliud repræsentans Sanctam Rosaliam Virginem Panormitanam, & totius Siciliæ Patronam. Fuit rescriptum: *Ad Procuratorem Generalem Ordinis.*

VIII. P. Illuminatus a Taurino Reformatus, supplicavit, ut Ipsi concederentur Privilegia, quæ concedi solent aliis librorum Compositoribus, cum & Ipse duos libros Cantus Gregoriani composuerit, & per decem & octo annos munus Choristæ in Conventu Taurini expleverit. Fuit rescriptum: *Letum.*

IX. P. Custos Reformatæ Provinciæ Mediolanensis petit,

tiit, an Pater Firminus a Nitro Actualis Definitor, qui ut Custos suffragium dedit in Capitulo Generali ultimo Romano, debeat habere præcedentiam supra Patrem Domitillum a Como Actualem Definitorum antiquiorem habitu. Fuit rescriptum: *Remittatur ad examen Reverendissimi Patris Ministri Generalis, qui procedat juxta consuetudinem Reformationis.*

X. Provincia Reformata S. Nicolai de Bario instavit contra Discalceatos excedentes limites proprios in quæstuatione; & ulterius, quia vagantur die, noctuque per domos sæculares absque eo quod se exhibeant Superioribus Conventum ad debitam obedientiam ipsis præstandam. Fuit rescriptum: *Serventur Constitutiones Ordinis.*

XI. Provinciales Reformatorum Ultramontanæ Familiæ petierunt aliquod præmium ob tot labores, & incommoda in itinere tolerata pro accessu ad Generale Capitulum. Fuit rescriptum: *Serventur Constitutiones.*

XII. Anonimus Reformatus per suum supplicem libellum duo exposuit dubia: Primum; Utrum lex biennii completi in Officio Provincialatus præjudicium aliquod afferat Statutis elargientibus præcedentiam ex Provincialibus ab eorum electione, & ingressu in Ministeriatum. Secundum, Utrum Prioritas Paternitatis attendenda, & computanda sit in Ex-Provincialibus ab eorum electione, vel solum a complemento biennii; & hoc non solum relatè ad Patres, sed etiam ad quoscunque alios, qui acquisierunt jura, sive per institutionem, sive per gratiam inter Ex-Provinciales. Fuit rescriptum, ad primum *dilata*. Ad Secundum: *ut in primo.*

XIII. Pro-Ministri, & Custodes Reformati Ultramontanæ Familiæ qui ad Capitulum Generale accesserunt, petierunt ratione laborum ultimum locum inter Definidores æquales. Fuit rescriptum: *Serventur Constitutiones.*

XIV. Provincialis, & Custos Provinciæ Reformatæ
Januen-

Januensis petierunt observantiam Alternative pro electione Definitoris Generalis inter ipsos, & Observantes; & quia in Capitulo Generali Vallis-Oletano eorum Provincia post Observantiam locum non habuit, supposita immemorabili consuetudine, instarunt, & se protestarunt &c. Fuit rescriptum: *Acceptatur si & in quantum, non impedita libertate Capituli, & non retardata electione.*

XV. Reformati Provinciæ Genuæ petierunt confirmationem determinationis factæ, non acceptandi Emerentiam. Fuit rescriptum: *Definitorium Generale decrevit, libertatem, & arbitrium non acceptandi Emerentiam, respicere, futuros, non verò præteritos Lectores.*

XVI. Post maturam discussionem excusationis P. Provincialis Carniolæ, Patres Definitorii Generalis fuerunt in Voto ipsas esse inefficaces; & decreverunt Patrem Antonium Kallan Actualem Provinciale esse puniendum, & dimittendo poenas Statutarias, remisit arbitrio Rm̃i Patris Ministri Generalis. Quoad Custodem verò ejusdem Provinciæ, omnes Patres Definitorii ex utraque Familia excepto P. Definitori Generali Skerpin, qui se abstinuit, fuerunt in Voto, sistendo rationibus, & Constitutionibus Ordinis, ac præcipuè Reformatorum, quod P. Gaspar Pasconi sit absolutus ab Officio Custodis.



Pro Excalceatis, & Recollectis, Germano-Belgicis, ac Hybernis.

I. **P**orrecto supplici libello à Provinciis Excalceatis Lusitaniæ pro parte ejusdem Nationis sæpius instante, ac efficacius supplicante Admodum Reverendo Patre Definitorum Generali Fernando à S. Antonio, quo petebatur Alternativa Procuræ Generalis inter Provincias Recollectorum Galliarum, Excalceatorum Hyspaniæ, & Excalceatorum insuper Lusitaniæ, ac etiam Definitoris Generalis, ut in eodem supplici libello exponitur. Respondit Definitorium Generale: *Servandas esse Constitutiones Ordinis, & in reliquis ad Sanctam Sedem Apostolicam recurrendum.*

II. Productis Juribus Provinciæ S. Andreæ Recollectorum in Gallo-Flandria, quibus Patres ex Provinciales antiquiores, vigore Constitutionum municipalium prætendunt præcedentiam a Patre Adm. Reverendo Gildardo Duflos; & auditis etiam Juribus in contrarium expositis pro eodem Patre Duflos; Definitorium Generale maturè omnibus perpensis, declaravit, præcedentiam deberi ipsi Patri Gildardo Duflos ex Procuratori Generali Recollectorum, quamquam non fuerit Provincialis, & quod super hoc negotio imponatur perpetuum silentium.

III. Officialibus Curiae committitur, ut impendant operam pro Canonizatione Beatæ Coletæ, & pro Beatificatione Servæ Dei Joannæ de Valois.

IV. Custodibus Galliarum, Provinciæ Arabidorum Lusitaniæ, & Nationis Germano Belgicæ; sicut etiam Pro-Ministris conceduntur pro hac vice tantum Privilegia, quibus gaudent ii, qui ultra montes. accedunt ad Generale Capitulum.

V. Provincia S. Joseph in Comitatu Flandriæ Fratrum Minorum Recollectorum; instavit contra Provincias S. Antonii, & S. Andreæ, eo quia istæ retinent quatuor Conventus dictæ Provinciæ contra formam Apostolicarum, & Ordinis Constitutionum, & prætendit renovare protestationem factam in Capitulis Romanis. Fuit resolutum: *Admittitur renovatio protestationis, & quantum ad reliqua recurrant ad Reverendissimum Patrem Generalem.*

VI. Provincia Recollectorum S. Mariæ Magdalenz in Gallia instetit, quamplura in Statutis Generalibus Capituli Romani Anni 1723., & Capituli Mediolanensis Anni 1729. esse eliminanda, utpotè fictitia, & suppositiva. Fuit resolutum: *Definitorium Generale declarat Statuta Romana de Anno 1723., & Mediolanensia de Anno 1729. Typis data, non esse authentica, sed recurri debere ad Originalia.*

VII. Renovatur protestatio Provinciæ S. Andreæ in Belgio contra Provinciam S. Joseph in Comitatu Flandriæ adversus ablationem Conventuum Aldernardensis, & Cortbacensis; & admittitur etiam nova protestatio ejusdem Provinciæ contra Provinciam Flandriæ ob ablatos Conventus Montensem, Tarnacensem, & Binchientem, cum suis respectivè Hospitiis.

VIII. Pro Collegiis Hybernorum, Lovaniensi, & Pragensi deputentur a Reverendissimo Superiore Generali duo Commissarii, qui recognoscant, & præfigant limites quæstuationum pro sustentatione eorundem Collegiorum, ultra quos, si audeant transmeare, puniantur ut Apostatæ, juxta Constitutiones Generales. Et si audeant quæstuationem pæcuniarum instituire, ut Proprietarii omninò etiam puniantur, videlicet intra limites a proprio Superiore, extra limites, ab eo Ministro Provinciali, in cujus Territorio delinquent.

Pro Terra Sancta.

I. **Q**uia quamplures computus Terræ Sanctæ non fuerunt subscripti a Definitorio, stabilitum fuit; quod Reverendissimus Pater Generalis provideat, & procedat prout de jure; Et sic Statutum fuit de Computibus Romæ, & Parisiis, circa quos idem Reverendissimus Pater Minister Generalis delegare debet aliquem idoneum Virum.

II. Quoad Computus Terræ Sanctæ, decernitur, esse servandas Constitutiones Ordinis, non obstante diversitate Nationis.

III. Procurator Generalis Terræ Sanctæ proposuit quamplurima puncta, & Primò; quod Religiosus qui tempus suum explevit per litteram Obedientialem permanendi in dictis locis, redeat ad suam Provinciam, dummodò possit mare transfretare, & si fortassis aliquorum erit necessitas pro servitio Terræ Sanctæ, eorum permanentia omnino dependeat a Discretorio Terræ Sanctæ & non aliter. Secundò quod si aliquis accedat sinè littera obedientiali, nullatenus Ei permittatur ingressus, sed Superior primi Conventus, aut Hospitii debeat ipsum retinere. Tertiò Si aliquis Religiosus erit defectuosus, & post Paternam admonitionem non se emendaverit, Superior certior et Provinciam ut illuc regressum habeat. Quartò quod Custos Terræ Sanctæ non possit sinè urgenti necessitate vagari, & si fortè habeat Commissionem aliquam a Sacra Congregatione de Propaganda, ipsam notificet Discretorio integro ante ejus discessum, in quo casu non sit licitum Vicario Conventus expedire litteras Obedientiales. Quintò: P. Vincentius Collen Vicarius olim Terræ Sanctæ, cum per absentiam Patris Custodis propria authoritate fecerit Sigillum nomine sui impressum, & expedierit litteram Obedientialem, idè

quæritur remedium in posterum. Sextò: quod in Ordine ad Guardianiam Nazareth, observetur alternativa trium Nationum, videlicet Hispaniæ, Galliæ, & Italiæ, & in defectum subjecti capacis, Discretorium provideat. Septimò: quod nullus Commissarius Terræ Sanctæ determinatè mittat suppellectiles ad hunc, vel illum locum, sed dirigantur Discretorio, & Procurator Generalis cum consilio eas distribuatur, vel ad Sacristiam, vel ad Officinas juxta necessitatem. Octavò: Definitorium Generale prohibeat accessum ad Curiam Romanam illis Religiosis qui jam discesserunt a Locis Terræ Sanctæ, & hoc, nè procurent a Sacra Congregatione licentiam redeundi, exceptis illis qui fuerint missi a Patre Guardiano cum Discretorio Terræ Sanctæ. Nonò: Ut mandetur per Rmum Patrem Ministrum Generalem, quod perlegantur in Refectorio Statuta emanata a Reverendissimo Laurentio a S. Laurentio juxta Ordinis Constitutiones Generales per tres menses una vice. Fuit resolutum: ad primum, *serventur Constitutiones, & additur, quod si aliquis Religiosus, qui tempus designatum adimplevit, utilis Terræ Sanctæ censeatur, fiat supplicatio Patri Superiori Generali per integrum Discretorium subscripta, & si videbitur eidem Superiori Generali possit prorogari tempus.* Ad secundum: *Juxta Ordinis Statuta.* Ad quintam: *Prohibetur P. Vicario S. Salvatoris ne audeat dare Obedientiales Fratribus Custodiæ Terræ Sanctæ sub pœna privationis Officii, & non audeat retinere sigillum sub pœna falsarii.* Ad sextum: *Nihil innovetur.* A septimum: *Suppellectilia sive Sacra, sive prophana Terræ Sanctæ applicantur Custodiæ secundum cognitās indigentias Conventuum a Discretorio Terræ Sanctæ; non sic autem in casu, quod dicta suppellectilia determinantur a Benefactoribus, & applicantur alicui Conventui, & sacristiæ determinatæ.* Ad reliqua Puncta nulla fuit resolutio.

Pro Indis .

I. P. Joseph Torubia Custos Provinciæ Philippinarum, supplicavit pro moderatione Decreti emanati in causa Oratoris cum P. Petro a Jesu. Fuit resolutum: *Pro gratia, quod videlicet, e Decreto eradatur clausula respiciens Provinciam, idest, quod acriter reprehendatur.*

II. Ad supplicationem Patris Francisci de Quinones Custodis Provinciæ Assumptionis de Paraguai in Regno Peruvano; Respondit Definitorium Generale, Primò: *concedi, ut qui est Visitator, debeat etiam esse Præsides in Capitulo.* Quò verò ad aliud punctum, quod proponatur numerus Patrum Definitorum, quos dicta Provincia proponere debet Admodum Reverendo Patri Commissario Generali illius Regni ad prædictum munus Visitatoris; respondit Definitorium Generale, *Visitatorem eligendum esse ex tribus, quos præsentabit Provincia.* Quo verò ad tertium, ut Vocales non teneantur solvere prò alimonia, pæcuniaria solutione in transitu per Conventus, vel permanentia, respondit Definitorium Generale, *non teneri ad sic solvendum, sed habendos esse sicuti cæteri Fratres.* Quoad Quartum, quod prædicti Vocales non eligantur in Guardianos, sed possint permanere in Conventibus, quos Ipsimet elegerint; Respondit Definitorium Generale, ad utrumque: *Negative;* Quoad Quintum, an possit Provincia extrahere a Recollectione ad Observantiam unum, vel alterum Religiosum; Respondit Definitorium Generale: *Negative, nisi in casu necessitatis vera, approbata a Definitori Recollectionis, vel si non sit talis Definitor, a Discretorio Conventus.*

III. Ad supplicationem Provinciæ S. Antonii Brasiliensis; ad primum, quod Procuratori Ulyssiponensi fiat facultas Novitios recipiendi; Respondit Definitorium Generale:

Nega-

Negative, cum locum habere non possit; Ad Secundum ut moderetur Statutum concedens ex Definitoribus, ut proprio arbitrio eligere sibi possint Conventum suæ residentiae pro spirituali eorum consolatione; Respondit Definitorium Generale: Quod Provincia utatur jure suo; Ad Tertium Quo petitur ut subsistant patentes litteræ expeditæ a Superiore Generali, licet res adhuc sit integra, cessante Officio ejusdem Superioris Generalis. Respondit Definitorium Generale: Hoc concedendum esse, prout conceditur ob nimiam distantiam Provinciæ supplicantis; sed hoc intelligendum spatio unius anni.

IV. Procuratores, & Commissarii Provinciarum Indiarum Ulyssipone existentes, non audeant assumere titulum Procuratoris, vel Commissarii Generalis, sed dumtaxat appellentur Procuratores Provinciarum respectivè sub pœna privationis officii.

V. Vocalibus Indiarum omnium, qui suffragium tulerunt in hoc Capitulo Generali, conceduntur præeminentiae concedi solitæ a Statutis Ordinis hujusmodi suffragantibus, quamvis ejusdem Vocalibus desint aliquæ qualitates a Statutis præscriptæ.



DEFUNCTORUM

NUMERUS.

Ab ultimo Capitulo Generali usque ad præsens In Ultramontana Familia obierunt in Domino Fratres 8848. Sanctimoniales verò 1479. & in Familia Cismontana Fratres 13941. Sanctimoniales autem 6200., atque adeò omnes Fratres defuncti, sunt 22789. & Sanctimoniales 7679.

Sequuntur Suffragia.

PRO Felici Electione Summi Pontificis, ultra preces quotidianas, singuli Sacerdotes celebrent unam Missam.

Pro omnibus Principibus Christianis Ordinem nostrum, in Ditionibus suis benignè tuentibus, & promoventibus, singuli Sacerdotes legant tres Missas.

Pro Serenissimo Hispaniarum Infante Philippo Borbonio Ordinis Nostri Patrono, a quolibet Sacerdote duæ Missæ celebrentur.

Pro Eminentissimo, & Reverendissimo Domino D. Trojano Cardinali de Aquaviva apud Sanctam Sedem Ordinis Protectore, unusquisque Sacerdos recitet unam Missam.

Pro Exmo Duce Sfortia Cesarini Fabretti, & Bovadilla, qui in expensis Generalis Capituli copiosam elargitus est Eleemosynam Sacerdotes omnes celebrent unam Missam.

Pro felici Statu Nostræ Seraphicæ Religionis, & Apostolici Ordinis Prædicatorum, a Sacerdotibus omnibus duæ Missæ recitentur.

Pro

Pro Pace inter Principes Christianos , Hæresum extirpatione , Fidei propagatione , Victoria contra Infideles , & Ecclesiastici Ordinis prosperitate , duæ Missæ legantur a quolibet Sacerdote .

Ita est .

Fr. Joseph Episcopus Seguntinus Præses Apostolicus .

Fr. Cajetanus a Laurino Minister Generalis .

Fr. Joannes Bermejo Ex - Minister Generalis .

Fr. Dominicus Lossada Commissarius Generalis Familiæ , & Indiarum .

Fr. Felix a Roma ex Vice - Commissarius Generalis Reformatorum .

Fr. Crescentius Krisper ex Commissarius Generalis .

Fr. Joannes Jacobus de Vallico Procurator Generalis Ordinis .

Fr. Joannes de la Torre Commissarius Generalis Curia Romanæ .

Fr. Alexius a Roma Procurator Generalis Reformatorum .

Fr. Petrus Joannes de Molina Procurator Generalis Discalceatorum , & Recollectorum .

Fr. Bernardus Monterde ex Procurator Generalis Ordinis .

Fr. Michael Angelus a Gallipoli ex Procurator Generalis Reformatorum .

Fr. Marcus Antonius Gravois ex Procurator Generalis Discalceatorum , & Recollectorum , ac Definitor Generalis .

Fr. Zacharias de Pontchateau Definitor Generalis .

Fr. Antonius Perelló Definitor Generalis .

Fr. Franciscus Benitez Definitor Generalis .

Fr. Ioannes a Valle Definitor Generalis .

Fr. Alvarus a Purificatione Definitor Generalis.
 Fr. Emanuel a Iesu Maria Definitor Generalis.
 Fr. Andreas de Molin Definitor Generalis.
 Fr. Ioannes Thony Definitor Generalis.
 Fr. Ludovicus Røger Definitor Generalis.
 Fr. Sigismundus Skerprin Definitor Generalis.
 Fr. Bernardius a Terlitio Definitor Generalis.
 Fr. Bonagratia ab Alexandria Definitor Generalis.
 Fr. Aloysius a Barrafranca Definitor Generalis.
 Fr. Vincentius Antonius a Caprarola Definitor Generalis.
 Fr. Alexander Negovez Definitor Generalis.
 Fr. Prosper a Brixia Definitor Generalis.
 Fr. Ioseph Maria a Gallipoli Definitor Generalis.
 Reverendissimus P. Joannes Antonius a Sancta Cruce ex
 Vice- Commissarius Generalis, & Adm: Rev: P. Petrus
 de Iustaniana Definitor Generalis non sunt subscripti,
 quia ante terminationem Actorum a Capitulo discesserunt.

Loco ✕ Sigilli.

Fr. Ioseph Maria de Fano Definitor
 Generalis, & Pro-Secretarius
 Generalis Ordinis.

Antequam hæc Typis mandarentur , è vivis sublatus est Reverendissimus Pater Dominicus Loffada , & in Vice-Commissarium Familiae electus fuit Reverendissimus Pater Joannes de la Torre , declaratus postea per Breve Sanctissimi Domini Nostri BENEDICTI XIV. Commissarius Generalis , Et per ejus electionem , Commissione Generali in Romana Curia vacante , ad hoc munus fuit deputatus Admodum Rev. Pater Joannes Franciscus Idurj , Provinciæ Burgenfis Lector Jubilatus , Commissarius Terræ Sanctæ , & Secretarius Generalis Ordinis .

Denique , notandum est , quod sub titulo Pertinentia ad utramque Familiam -- num. 10. & sub titulo Pro Ultramontana Familia -- num. 18. & 19. declarationes appositæ ; prodierunt post celebrationem Capituli Generalis ; nihilominus fuerunt ibi notatæ tanquam in proprio loco , ad majorem legentium commoditatem .



B R E V E

SS^{MI} DOMINI NOSTRI

BENEDICTI XIV.

In quo gratiæ Personales quæ quamplurimis Ordinis Nostri Fratribus fuere concessæ , derogantur .

BENEDICTUS PAPA XIV.

Ad futuram rei memoriam .

Apostolica a Pastorum Principe Iesu Christo in suprema Catholica Ecclesiæ procuratione Romano Pontifici cum plenitudine potestatis commendata Charitas , quæ ordinata esse debet , & si ad testatissima indulgentiæ , benignitatisque potius , quàm gravitatis , severitatisque argumenta Fidelibus Populis , ac potissimum religiosi viris in excolenda vinea Dei Sabaoth sub suavi Religionis jugo , institutoque adlaborantibus semper exhibenda suadet , & excitat , tamen , cum indulta , ac privilegia ad susceptum virtutum curriculum alacrius in Religionis decus , & utilitatem conficiendum conferri solita in religiosæ observantiæ , constitutæque regularis disciplinæ perniciem , atque in dissidiorum , inordinationumque alimenta verti conspiciuntur , beneficium largitorem ad illa providentissimè revocanda , ac tanquam non concessa pariter declaranda acrioribus stimulis impellit , & urget . Quo-

niam autem sicut accepimus, ex quamplurimis dilectis Filiis Ordinis Fratrum Minorum S. Francisci tum de Observantia, tum Reformatorum, tum Discalceatorum, tum Recollectorum nuncupatorum expresse professis, alii quidem præclara in speciem tantum Religiosorum laborum merita, emendicatis etiam suorum pro tempore Superiorum plus uni, quam alteri faventium attestationibus comprobata, ac quodammodo veluti præmio digna obtendentes, alii verò obsequia sua in negotiis hujus Sanctæ Sedis, ac præsertim in Congregationibus hujus Almæ Urbis nostræ Venerabilium Fratrum nostrorum S.R.E. Cardinalium peragendis præstita exponentes, indulta, & privilegia personalia tam Ex-Commisariorum, seu Vice-Commisariorum, Ex-Procuratorum, & Ex-Definitorum Generalium, quam Ex-Ministrorum, Ex-Custodum, Ex-Definitorum Provincialium, ab Apostolica hac Sancta Sede per litteras in simili forma Brevis desuper expeditas, contra dispositionem Constitutionum Ordinis hujusmodi Auctoritate Apostolica confirmatarum obtinuerunt; quæ quidem indulta, & personalia privilegia regulari observantiæ incommodum, & Religiosæ Paci, tranquillitæque, & fraternæ concordie perturbationem, dissidia, lites, & jurgia afferunt. Hinc est, quod Nos, qui ad supremum Catholicæ Ecclesiæ regimen per inscrutabile Divinæ Providentiæ consilium planè immerentes assumpti, pro peculiari, Paternaque, qua Ordinem prædictum complectimur charitate, ut pristinum regularis disciplinæ, & observantiæ institutum, & incrementum amplius promovere, & provehere valeamus, opportunum, ac salutare, malis, & incommodis hujusmodi remedium adhibere satagimus; Generalibus dicti Ordinis Statutis, Ordinationibusque, & Constitutionibus per Sedem prædictam confirmatis inhærentes, motu proprio, ac ex certa Scientia, & matura deliberatione nostris, deque Apostolicæ Potestatis plenitudine

quasculque Constitutiones, & Ordinationes Romanorum Pontificum Prædecessorum nostrorum, ac præsertim felic. record. Benedicti Papæ XIII. Prædecessoris nostri Constitutionem super nova eorundem indultorum, ac privilegiorum abrogatione die xvi. Novembris MDCCXXIV. editam, quæ incipit: *Universalis Ecclesia &c.*, quam Constitutionem deinde rec. mem. Clemens Papa XII. itidem, Prædecessor noster ad Generalium dicti Ordinis Statutorum formam redegit, & moderavit per aliam suam Constitutionem die xiv. Octobris MDCCXXX. datam, quæ incipit: *Circumspecta Romani Pontificis providentia &c.* quo ad omnes partes, quæ per prædictam Clementis Prædecessoris Constitutionem ad Statutorum hujusmodi formam minimè redactæ, ac moderatæ fuerunt necnon ipsas Constitutiones expressè per præsentis renovantes, & quatenus opus sit de novo confirmantes, & integrè servari mandantes, quæcumque indulta, seu privilegia personalia tam Ex-commissariorum, seu Vice-commissariorum, Ex-Procuratorum, Ex Definitorum Generalium, quàm Ex-ministrorum, Ex-custodum, Ex-definitorum Provincialium, seu quorumcumque aliorum titularum, seu aliarum gratiarum personalium quibuslibet Fratribus de Observantia, Reformatis, Discalceatis, & Recollectis, vel quocumque alio nomine nuncupatis sub regimine, ac directione, & obedientia Ministri Generalis dicti Ordinis viventibus, cujuscumque dignitatis, qualitatis, & conditionis existant (indulta tamen, seu privilegia hujusmodi intuitu obsequiorum Congregationi eorundem S. R. E. Cardinalium in tota Republica Christiana adversus hæreticam pravitatem Generalium Inquisitorum duntaxat præstitorum, de prædictorum Cardinalium consilio a Sede prædicta aliàs concessa hac duntaxat conditione excipimus, ut quoad præcedentiam tantum, non autem quoad votum, sive suffragium in quibysvis Capitulis, &

Congregationibus ferendum suffragentur iis, quibus aliàs concessa confirmamus, quemadmodum iis, qui postulante sua uniuscujusque Provincia indulta præfata obtinuerunt) quovis titulo, prætextu, causa, & occasione, & ad cujuscumque instantiam, & supplicationem, tam a Nobis, & Romanis Pontificibus Prædecessoribus nostris; quàm a Congregatione memoratorum S. R. E. præfate Cardinalium Propagandæ Fidei præpositorum (præter, & ultra ea, quæ per quasdam fel. record. Clementis Papæ XI. Prædecessoris paritèr nostri in simili forma Brevis expeditas literas præscripta, & assignata fuerunt) vel ab aliis S. R. E. prædictæ Cardinalium Congregationibus, & etiam ab ipsius Sedis Apostolicæ Nunciis, aut de Latere Legatis, ac quibuslibet Ordinis hujusmodi Superioribus hætenus quoquomodo contra, & præter Regularia Ordinis prædicti Statuta, & Apostolicas Constitutiones concessa perpetuò revocamus, cassamus, abrogamus, & abolemus, illaque in perpetuum revocata, cassata, abrogata, & abolita, viribusque, & effectu vacua esse, & fore, neminique ullatenus suffragari, neque deinceps a quoquam, præterquam a Romano Pontifice pro tempore existente quæcumque privilegia similia concedi posse decernimus. Mandantes propterea in Virtute Sanctæ Obedientiæ, & sub Excommunicationis, privationisque eorum Officiorum, ac Vocis activæ, & passivæ pœnis eo ipso absque ulla alia declaratione incurrendis, dilectis filiis Ministro, ac Commissariis, Vice-commissariis Generalibus, Ministris Provincialibus, Custodibus, aliisque ejusdem Ordinis Superioribus quocumque nomine nuncupatis, ut cum primum præsentis nostræ Literæ ad eorum notitiam pervenerint, omnes, & singulos Fratres Ordinis prædicti similia indulta, & privilegia habentes, etiam si a Nobis, seu Romanis Pontificibus prædecessoribus nostris quoquomodo obtinuissent, ut præmittitur, eo ipso

ipso dictis Privilegiis privatos, & spoliatos esse declarent, nec quempiam iisdem privilegiis, & indultis in posterum uti sinant, vel permittant. Decernentes easdem præsentēs Literas, & in eis contenta quæcumque, etiam ex eo, quod Superiores, & Fratres Ordinis hujusmodi, alique quilibet cujuscunque status, gradus, ordinis, præmi-
nentia, vel dignitatis existant, seu aliàs specifica, & individua mentione, & expressione digni in præmissis interesse habentes, seu habere quomodolibet prætendentes illis non consenserint, seu ad ea vocati, citati, & auditi, causæque propter quas ipsæ præsentēs emanaverint sufficienter adductæ, verificatæ, & justificatæ non fuerint, aut ex alia qualibet, etiam quantumvis juridica, legitima, & privilegiata causa, colore, prætextu, vel capite etiam in corpore juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam quantumvis magno, & substantiali, ac incogitato, & inexcogitabili, individuaque expressionem requirente defectu notari, impugnari, infringi, in controversiam notari, aut ad terminos juris reduci, seu adversus illas aperiitionis oris, restitutionis in integrum, aliudve quodcumque juris, facti, vel gratiæ remedium, intentari, vel impetrari, aut impetrato, seu etiam motu, scientia, & potestatis plenitudine similibus concessio, vel emanato quempiam in judicio, vel extra illud uti, seu se juvare ullo modo posse, neque easdem præsentēs Literas, & in eis contenta hujusmodi sub quibusvis similium vel dissimilium gratiarum revocationibus, suspensionibus, limitationibus, aut aliis contrariis dispositionibus etiam a Nobis, & Successoribus præfatis pro tempore quomodolibet faciendis comprehendere, nisi de ipsis Literis earumque dispositione fiat mentio specialis, sed ab illis semper

excepta, & perpetuo valida, & efficacia existere, & fore, suosque plenarios, & integros effectus fortiri, & obtinere, & ab illis ad quos spectat, & pro tempore quancumque spectabit, in omnibus, & per omnia inviolabiliter, & inconcussè observari, & adimpleri. Sicque, & non aliter in præmissis censi, atque ita per quoscumque Judices ordinarios, & delegatos, etiam Causarum Palatii Apostolici Auditores, ac ejusdem S. R. E. Cardinales etiam de Latere Legatos, & dictæ Sedis Nuncios aliosve quoslibet quacumque præminencia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his, a quoquam quavis auctoritate scienter, vel ignoranter contigerit attentari. Non obstantibus præmissis, ac quatenus opus sit, Nostra, & Cancellariæ Apostolicæ Regula de jure quæsito non tollendo, aliisque Apostolicis, ac in universalibus, Provinciis, & Synodalibus Conciliis editis generalibus, vel specialibus Constitutionibus, & Ordinationibus, nec non dicti Ordinis, ejusque Congregationum, Reformationum, Provinciarum, & Conventuum quorumcumque, aliisque quibuslibet etiam juramento, confirmatione Apostolica, vel quavis firmitate alia roboratis statutis, usibus, styliis, & consuetudinibus, etiam immemorabilibus, privilegiis quoque, indultis, & Literis Apostolicis eidem Ordini, ejusque Superioribus, Fratribus, & personis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in contrarium præmissorum quomodolibet concessis; ac quantiscumque vicibus confirmatis, approbatis, & innovatis. Quibus omnibus, & singulis, etiamsi pro sufficienti illorum derogatione de illis, eorumque totis

tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur præsentibus pro plenè, & sufficienter expressis, ac de verbo ad verbum insertis habentes, illis aliàs in suo robore permanens, ad præmissorum effectum hac vice dumtaxat specialiter, & expressè derogamus, atque derogatum esse volumus, cæterisque contrariis quibuscumque. Volumus autem, ut earumdem præsentium Literarum transumptis, seu exemplis, etiam impressis manu Notarii publici, vel Procuratoris Generalis dicti Ordinis subscriptis, & sigillo Personæ in dignitate Ecclesiastica constitutæ, vel ejusdem Ordinis munitis, eadem prorsus fides in judicio, & extra illud ubique locorum adhibeatur, quæ præsentibus ipsis adhiberetur, si forent exhibitæ, vel ostensæ. Cæterum quæcumquæ indulta, & Privilegia personalia quocumque pacto, ac modo contra præscriptum earumdem Constitutionum cuicumque ex Ordinis hujusmodi Fratribus in futurum concedenda, quoad præcedentiam dumtaxat suffragari debere volumus, & declaramus. Datum Romæ apud S. Mariam Majorem sub Annulo Piscatoris die XVIII. Augusti MDCCXLI. Pontificatus Nostri Anno Primo.

D. Cardinalis Passioneus.

VA 1 1510 h 64



BIBLI
VIT